

十三經

論語注疏卷十六

魏何晏集解

唐陸德明音義

宋邢昺疏

季氏第十六

**音義**

凡十章

**疏**

正義曰。此篇論天下無道。政在大夫。故孔子陳其正

道。揚其衰失。稱損益以教人。舉詩禮以訓子。明君子之行。正夫人之名。以前篇首章記衛君靈公失禮。此篇首章言魯臣季氏專恣。故以次之也。

季氏將伐顓臾。冉有季路見於孔子曰。季氏將有事於

顓臾。

**注**

孔曰。顓臾。伏羲之後。風姓之國。本魯之附庸。當

時臣屬魯。季氏貪其土地。欲滅而取之。冉有與季路為

季氏臣。來告孔子。孔子曰。求無乃爾是過與。

**注**

孔曰。冉

求為季氏宰相。其室為之聚斂。故孔子獨疑求教之。夫

顓臾。昔者先王以爲東蒙主。

**注**孔曰。使主祭蒙山。且在

邦域之中矣。

**注**孔曰。魯七百里之封。顓臾爲附庸。在其

域中。是社稷之臣也。何以伐爲。

**注**孔曰。已屬魯爲社稷

之臣。何用滅之爲。冉有曰。夫子欲之。吾二臣者。皆不欲

也。

**注**孔曰。歸咎於季氏。孔子曰。求。周任有言曰。陳力就

列。不能者止。

**注**馬曰。周任。古之良史。言當陳其才力。度

己所任以就其位。不能則當止。危而不持。顛而不扶。則

將焉用彼相矣。

**注**包曰。言輔相人者。當能持危扶顛。若

不能。何用相爲。且。爾言過矣。虎兕出於柙。龜玉毀於櫝。

中。是誰之過與。

**注**馬曰。柙。檻也。櫝。匱也。失虎毀玉。豈非

典守之過邪。冉有曰。今夫顓臾。固而近於費。注馬曰。固

謂城郭完堅。兵甲利也。費。季氏邑。今不取。後世必爲子

孫憂。孔子曰。求。君子疾夫。注孔曰。疾如女之言。舍曰欲

之。而必爲之辭。注孔曰。舍其貪利之說。而更作他辭。是

所疾也。丘也聞有國有家者。不患寡而患不均。注孔曰。

國。諸侯。家。卿大夫。不患土地人民之寡少。患政理之不

均平。不患貧而患不安。注孔曰。憂不能安民耳。民安則

國富。蓋均無貧。和無寡。安無傾。注包曰。政教均平。則不

貧矣。上下和同。不患寡矣。小大安寧。不傾危矣。夫如是。

故遠人不服。則脩文德以來之。旣來之。則安之。今由與

求也。相夫子。遠人不服而不能來也。邦分崩離析而不

能守也。**注**孔曰。民有異心曰分。欲去曰崩。不可會聚曰

離析。而謀動干戈於邦內。**注**孔曰。干。盾也。戈。戟也。吾恐

季孫之憂不在顓臾而在蕭牆之內也。**注**鄭曰。蕭之言

肅也。牆謂屏也。君臣相見之禮。至屏而加肅敬焉。是以

謂之蕭牆。後季氏家臣陽虎果囚季桓子。**音義**顓音專。臾音瑜。

顓臾。附庸國也。見賢遍反。義。音宜反。過與之與。音餘。下

過與同。相。息亮反。為之。為于僞反。夫。音符。下。今夫疾

夫。夫如是。並同。邦。或作封。任。音壬。注同。度。待洛反。焉。於

虔反。相。息亮反。注同。下。相。夫子同。兕。徐履反。積。音獨。注

同。檻。戶覽反。匱。其位反。費。悲位反。注同。舍。音捨。注同。析

星。歷反。邦內。鄭本作封內。盾。又作楯。並食允反。不在顓

臾。或作不。**疏**正義曰。此章論魯卿季氏專恣征伐之事

在於顓臾也。季氏將伐顓臾者。顓臾。伏羲之後。風姓

之國本魯之附庸。當時臣屬於魯。而季氏貪其土地。欲滅而取之也。冉有季路見於孔子曰。季氏將有事於顓臾者。冉有季路為季氏臣。來告孔子。言季氏將有征伐之事於顓臾也。孔子曰。求無乃爾是過與者。無乃為之爾。女也。雖二子同來告。以冉求為季氏宰。相其室為之。聚斂。故孔子獨疑求教之。言將伐顓臾。乃女是罪過與。與疑辭也。夫顓臾昔者先王以為東蒙主者。言昔者先王始封顓臾為附庸之君。使主祭蒙山。蒙山在東。故曰東蒙。且在其域之中矣。魯之封域方七百里。顓臾為附庸。在其域中也。是社稷之臣也。何以伐為者。言顓臾已屬魯為社稷之臣。何用伐滅之為。冉有曰。夫子欲之。吾二臣者皆不欲也。者。夫子謂季氏也。冉有歸其咎惡於季氏也。故言季氏欲伐我二人皆不欲也。孔子曰。求周任有言曰。陳力就列。不能者止者。周任古之良史也。夫子見冉有歸咎於季氏。故呼其名。引周任之言。以責之。言為人臣者。當陳其才力。度己所任。以就其列位。不能則當自退止也。危而不持。顛而不扶。則將焉用彼相矣。者。相謂輔相焉。何也。言輔相人者。當持其主之傾危。扶其主之顛躓。若其不能。何用彼相為。且爾言過矣。者。爾汝也。汝為季氏輔相。而歸咎於季氏。自是汝之言罪。

過矣。虎兕出於柙，龜玉毀於楨。楨中是誰之過與者？此又爲輔相之人作譬也。柙，檻也。楨，櫃也。虎兕皆猛獸，故設檻以制之。龜玉皆大寶，故設櫃以藏之。若虎兕失出於檻，龜玉損毀於櫃中，是誰之過與？言是典守者之過也。以喻主君有關，是輔相者之過也。冉有曰：今夫顓臾固而近於費，今不取，後世必爲子孫憂者，此冉有乃自言欲伐顓臾之意也。固，謂城郭完堅，兵甲利也。費，季氏邑。言今夫顓臾城郭甲兵堅固，而又近於費邑，若今不伐而取之，後世必爲季氏子孫之憂也。孔子曰：求君子疾夫舍曰欲之，而必爲之辭者。孔子見冉有言將伐顓臾之意，故又呼冉有，而責之。如汝之言，君子所憎疾夫以舍其貪利之說，而更作他辭，是所疾也。丘也聞有國有家者，不患寡而患不均者，此下孔子又爲言其正治之法，以示非臆說。故云丘也聞國，謂諸侯家，謂卿大夫。言爲諸侯卿大夫者，不患土地人民之寡少，但患政理之不均平也。不患貧而患不安者，言不憂國家貧，但憂不能安民耳。民安則國富也。蓋均無貧，和無寡，安無傾者。孔子既陳其所聞，更爲言其理。蓋言政教均平，則不貧矣。上下和同，不患寡矣。小大安寧，不傾危矣。如上所聞，此應云均無寡，安無貧，而此乃云均無貧，和無寡，安

無傾者。欲見政教均平。又須上下和睦。然後國富民多。而社稷不傾危也。故衍其文耳。夫如是。故遠人不服。則脩文德以來之。既來之。則安之者。言夫政教能均平。和安如此。故遠方之人。有不服者。則當脩文德。使遠人慕其德化而來。遠人既來。當以恩惠安存之。今由與求也。相夫子者。謂冉有季路輔相季氏也。遠人不服。而不能來也者。謂不脩文德也。邦分崩離析而不能守也者。民有異心。曰分。欲去曰崩。不可會聚曰離。析言國內之民。又不能以恩惠安撫。致有異心。不可會聚。莫能固守也。而謀動干戈於邦內者。謂將伐顓臾也。吾恐季孫之憂不在顓臾。而在蕭牆之內也者。蕭牆謂屏也。蕭之言肅也。君臣相見之禮。至屏而加肅敬焉。是以謂之蕭牆。孔子聖人。有先見之明。見季氏家臣擅命。必知將為季氏之禍。因冉有言。顓臾後世必為子孫憂。故言吾恐季孫之憂。不遠在顓臾。而近在蕭牆之內。後季氏家臣陽虎。果囚季桓子。注孔曰。至屬魯。正義曰。云顓臾伏義之。後風姓之國者。僖二十一年左傳云。任宿須句。顓臾。風姓也。實司太皞。與有濟之祀。杜注云。太皞伏義。四國伏義之後。故主其祀。顓臾在泰山南。武陽縣東北是也。云本魯之附庸。當時臣屬魯者。王制云。公侯田方百里。伯



七十里。子男五十里。不能五十里者。不合於天子。附於諸侯。曰附庸。鄭注云。不合謂不朝會也。小城曰附庸。附庸者。以國事附於大國。未能以其名通也。言此。顓臾始封爲附庸之君。以國事附於魯耳。猶不爲魯臣。故曰魯之附庸。春秋之世。強陵弱。衆暴寡。故當此季氏之時。而顓臾已屬魯爲臣。故曰當時臣屬魯也。注使主祭蒙山。○正義曰。禹貢徐州云。蒙羽其藝。地理志云。泰山蒙陰縣。蒙山在西南。有祠。顓臾國在蒙山下。注魯七百里之封。顓臾爲附庸在其域中。○正義曰。明堂位曰。成王以周公爲有勲勞於天下。是以封周公於曲阜。地方七百里。革車千乘。鄭注云。曲阜魯地。上公之封。地方五百里。加魯以四等之附庸。方百里者二十四。并五五二十五。積四十九開方之。得七百里。言其顓臾爲附庸。在此七百里封域之中也。注周任古之良史。○正義曰。周大夫也。與史佚。臧文仲。竝古人立言之賢者也。注馬曰。至墮也。○正義曰。云柳檻也者。說文云。柳。檻也。檻。權也。一曰。圍以藏虎兇。爾雅云。兇。似牛。郭璞云。一角青色。重于斤。說文云。兇。如野牛。青毛。其皮堅厚。可制鎧。交州記曰。兇出九真。有一角。角長三尺餘。形如馬鞭柄是也。云。橫。圓者。亦說文云也。注孔曰。平盾也。戈戟也。○正義曰。平

一名楯。今謂之旁牌。方言云。楯。自關而東。或謂之楯。或謂之干。關西謂之楯。是干楯爲一也。施紛以持之。孔注尚書費誓云。施乃楯紛。紛如綬而小。繫於楯以持之。且以爲飾也。干。扞也。竝之以扞敵。故牧誓云。比爾干也。戈者。考工記云。戈秘六尺有六寸。其刃廣二寸。內倍之。胡三之。援四之。鄭玄注云。戈今句子戟也。或謂之雞鳴。或謂之擁頸。內謂胡以內接秘者也。長四寸。內六寸。援八寸。鄭司農云。援。直刃也。胡。其子。

孔子曰。天下有道。則禮樂征伐自天子出。天下無道。則禮樂征伐自諸侯出。自諸侯出。蓋十世希不失矣。**注**孔

曰。希。少也。周幽王爲犬戎所殺。平王東遷。周始微弱。諸侯自作禮樂。專行征伐。始於隱公。至昭公十世失政。死於乾侯矣。自大夫出。五世希不失矣。**注**孔曰。季文子初得政。至桓子五世。爲家臣陽虎所囚。陪臣執國命。三世

希不失矣。

**注**

馬曰。陪重也。謂家臣。陽虎爲季氏家臣。至

虎三世而出奔齊。天下有道。則政不在大夫。

**注**

孔曰。制

之由君。天下有道。則庶人不議。

**注**

孔曰。無所非議。

**音義**

乾。音干。陪。蒲回反。重。直龍反。

**疏**

正義曰。此章論天下有道無道。禮樂

孔子曰。天下有道。則禮樂征伐自天子出者。王者功成制禮。治定作樂。立司馬之官。掌九伐之法。諸侯不得制作禮樂。賜弓矢。然後專征伐。是天下有道之時。禮樂征伐自天子出也。天下無道。則禮樂征伐自諸侯出者。謂天子微弱。諸侯上僭。自作禮樂。專行征伐也。自諸侯出蓋十世。希不失矣者。希少也。言政出諸侯。不過十世。必失其位。不失者少也。若魯昭公出奔齊。是也。自大夫出五世。希不失矣者。言政在大夫。不過五世。必失其位。不失者少矣。若魯大夫季桓子爲陽虎所囚。是也。陪臣執國命。三世希不失矣者。陪重也。謂家臣也。大夫已爲臣。改謂家臣爲陪臣。言陪臣擅權執國之政命。不過三世。必失其位。不失者少矣。若陽虎三世而出奔齊。是也。天

下有道則政不在大夫者。凡爲政命制之由君也。天下有道則庶人不議者。議謂謗議。言天下有道則上酌民言以爲政教。所行皆是。則庶人無有非毀謗議也。孔曰至侯矣。○正義曰。云周幽王爲犬戎所殺。平王東遷者。案周本紀云。幽王三年。嬖褒姒。生伯服。幽王欲廢太子。太子母申侯女而爲后。幽王得褒姒愛之。欲廢申后。并去太子。用褒姒爲后。以其子伯服爲太子。幽王之廢后去太子也。申侯怒。乃與繒西夷犬戎共攻幽王。幽王舉烽火徵兵。兵莫至。遂殺幽王驪山下。虜褒姒。盡取周賂而去。隱六年左傳稱周桓公言於王曰。我周之東遷。晉鄭焉依。周本紀又云。於是諸侯乃卽申侯而共立故幽王太子宜臼。是爲平王也。云周始微弱者。地理志云。幽王淫褒姒。滅宗周。子平王東居洛邑。於是王室之尊與諸侯無異。其詩不能復雅。故其詩謂之王國風。是周始微弱也。云諸侯自作禮樂者。謂僭爲天子之禮樂。若魯昭公之比也。案昭二十五年。公羊傳云。子家駒曰。諸侯僭於天子。大夫僭於諸侯。久矣。昭公曰。吾何僭矣哉。子家駒曰。設兩觀。乘大輅。朱干玉戚以舞。大夏。八佾以舞。大武是也。云專征伐者。謂不由王命。專擅行其征伐。春秋之時。諸侯皆是也。云始於隱公至昭公十世失政。

死於乾侯者。隱公名息姑。伯禽七世孫。惠公弗皇子聲子所生。平王四十九年卽位。是王室微弱。政在諸侯。始於隱公。隱公卒。弟桓公允立。卒。子莊公同立。卒。子閔公開立。卒。兄僖公申立。卒。子文公興立。卒。子宣公倭立。卒。子成公黑肱立。卒。子襄公午立。卒。子昭公稠立。是爲十世也。春秋昭公二十五年。公孫於齊。二十二年卒於乾侯。是也。**注**孔曰。至所囚。正義曰。云季文子初得政。至桓子五世者。謂文子。武子。悼子。平子。桓子。爲五世也。云爲家臣。陽虎所囚者。定五年左傳云。九月乙亥。陽虎囚季桓子。及公父文伯。是也。**注**陽虎至奔齊。正義曰。魯伐陽虎。陽虎出奔齊。在定九年。

孔子曰。祿之去公室。五世矣。**注**鄭曰。言此之時。魯定公

之初。魯自東門襄仲殺文公之子赤而立宣公。於是政在大夫。爵祿不從君出。至定公爲五世矣。政逮於大夫。

四世矣。**注**孔曰。文子。武子。悼子。平子。故夫三桓之子孫

微矣。

**注**

孔曰。三桓。謂仲孫叔孫季孫。三卿皆出桓公。故

曰三桓也。仲孫氏改其氏稱孟氏。至哀公皆衰。

**音義**

逮

代。一音弟。故

**疏**

正義曰。此章言魯公室微弱。政在大夫。夫之夫。音符。也。孔子曰。祿之去公室五世矣者。謂政

在大夫。爵祿不從君出。始於宣公。言此之時。在魯定公

之初。故爲五世矣。政逮於大夫。四世矣者。逮及也。言君

之政令及於大夫。至今四世矣。謂季文子武子悼子平

子也。故夫三桓之子孫微矣者。三桓。謂仲孫叔孫季孫

三卿皆出桓公。故曰三桓也。仲孫氏改其氏稱孟氏。以

禮樂征伐自大夫出。五世希不失。故夫三桓子孫。至哀

公時皆衰微也。**注**鄭曰。至世矣。正義曰。云魯自東門

襄仲殺文公之子赤而立宣公者。文十八年左傳云。文

公二妃。敬嬴生宣公。敬嬴嬖而私事襄仲。宣公長而屬

諸襄仲。襄仲欲立之。叔仲不可。仲見于齊侯而請之。齊

侯新立而欲親魯許之。冬十月。仲殺惡及視而立宣公。

是也。公羊傳作子赤。襄仲居東門。故曰東門襄仲。云至

定公爲五世矣者。謂宣公成公襄公昭公定公也。**注**孔

乾隆四年校刊

命吾生梳髮

也。

孔子曰。益者三友。損者三友。友直。友諒。友多聞。益矣。友

便辟。**注**馬曰。便辟。巧辟人之所忌。以求容媚。友善柔。**注**

馬曰。面柔也。友便佞。損矣。**注**鄭曰。便。辯也。謂佞而辯。**音**

**義**便。婢。縣反。辟。婢亦反。**注**正義曰。此章戒人擇友也。及下皆同。佞。乃定反。**疏**益者三友。損者三友者。以

人為友。損益於己。其類各三也。友直。友諒。友多聞。益矣。者。直。謂正直。諒。謂誠信。多聞。謂博學。以此三種之人為

友。則有益於己也。友便辟。友善柔。友便佞。損矣者。便辟。巧辟人之所忌。以求容媚者也。善柔。謂面柔。和顏說色

以誘人者也。便。辯也。謂佞而復辯。以此三種之人為友。則有損於己也。

孔子曰。益者三樂。損者三樂。樂節禮樂。**注**動得禮樂之

節。樂道人之善。樂多賢友。益矣。樂驕樂。**注**孔曰。恃尊貴

以自恣樂佚遊。**注**王曰。佚遊。出入不節。樂宴樂損矣。**圖**

孔曰。宴樂。沈荒淫瀆。三者自損之道。**音義**樂五教反。下

樂之樂。音岳。騎樂之樂。音洛。**疏**正義曰。此章言人心樂

下宴樂同。佚本亦作逸。音同。好損益之事。各有三種

也。樂節禮樂者。謂凡所動作。皆得禮樂之節也。樂道人

之善者。謂好稱人之美也。樂多賢友者。謂好多得賢人

以爲朋友也。言好此三者於身有益也。樂驕樂者。謂恃

尊貴以自恣也。樂佚遊者。謂好出入不節也。樂宴樂者。

謂好沈荒淫瀆也。言好此三者自損之道也。**注**沈荒淫

瀆。正義曰。云沈者。書微子云。沈酗於酒。言人以酒亂

若沈沒於水。故以耽酒爲沈也。荒者。廢也。謂有所好樂

而廢所掌之職事也。書云。酒荒於厥邑。內作色荒。外作

禽荒。皆是淫。訓過也。言耽酒爲過

差也。瀆者。嫖慢也。言無復禮節也。

孔子曰。侍於君子有三愆。**注**孔曰。愆。過也。言未及之而

言。謂之躁。

**注**鄭曰。躁。不安靜。言及之而不言。謂之隱。**注**



孔曰。隱匿不盡情實。未見顏色而言。謂之瞽。**注**周曰。未

見君子顏色所趣向。而便逆先意語者。猶瞽也。**音義**起

虔反。躁。早報反。魯讀躁爲傲。**疏**正義曰。此章戒卑侍於

於君子有三愆者。愆。過也。言卑侍於尊。有三種過失之

事。言未及之而言。謂之躁者。謂君子言事未及於己。而

輒先言。是謂躁動不安靜也。言及之而不言。謂之隱者。

謂君子言論及己。己應言而不言。是謂隱匿不盡情實

也。未見顏色而言。謂之瞽者。瞽。謂無目之人也。言未見

君子顏色所趣向。而便逆先意語者。猶若無目人也。

孔子曰。君子有三戒。少之時。血氣未定。戒之在色。及其

壯也。血氣方剛。戒之在鬪。及其老也。血氣既衰。戒之在

得。

**注**孔曰。得。貪得。

**音義**

少。詩照反。鬪。丁豆反。得。或作德。非。

**疏**

正義曰。此章言君子

之人。自少及老。有三種戒慎之事也。少之時。血氣未定。戒之在色者。少。謂人年二十九以下。血氣猶弱。筋骨未

定。貪色則自損。故戒之。及其壯也。血氣方剛。戒之在屬者。壯。謂氣力方當剛強。喜於爭鬪。故戒之。及其老也。血氣既衰。戒之在守。老。謂五十以上。得謂貪得。血氣既衰。多好聚斂。故戒之。

孔子曰。君子有三畏。畏天命。**注**順吉逆凶。天之命也。畏

大人。**注**大人即聖人。與天地合其德。畏聖人之言。**注**深

遠不可易。知測。聖人之言也。小人不知天命而不畏也。

**注**恢疏。故不知畏。狎大人。**注**直而不肆。故狎之。侮聖人

之言。**注**不可小知。故侮之。**首義**易以鼓反。恢苦回反。**疏**

正義曰。此章言君子小人敬慢不同也。君子有三畏者。心服曰畏。言君子心所畏服。有三種之事也。畏天命者。謂作善降之百祥。作不善降之百殃。順吉逆凶。天之命也。故君子畏之。畏大人者。大人。即聖人也。與天地合其德。故君子畏之。畏聖人之言者。聖人之言。深遠不可易知。測。故君子畏之也。小人不知天命而不畏也者。言小

人與君子相反。天道恢疏。故小人不知畏也。狎大人者，  
 狎謂慣忽。聖人直而不肆。故小人忽之。侮聖人之言者，  
 侮謂輕慢。聖人之言不可小知。故小人輕慢之而不行。  
 也。注順吉逆凶。天之命也。○正義曰：虞書大禹謨云：惠  
 迪吉，從逆凶。惟影響。孔安國云：順道吉，從逆凶。吉凶之  
 報。若影之隨形。響之應聲。言不虛道。即天命也。天命無  
 不報。故可畏之。注大人即聖人。與天地合其德。○正義  
 曰：易云：利見大人。即聖人也。乾卦文言云：夫大人者，與  
 天地合其德。莊氏云：謂覆載也。與日月合其明。謂照臨  
 也。與四時合其序。若賞以春夏，刑以秋冬之類也。與鬼  
 神合其吉凶。若福善禍淫也。此獨舉天地合其德者。舉  
 一隅也。注恢疏。故不知畏。○正義曰：案老子德經云：天  
 網恢恢，疎而不失。言天之網羅，恢恢疎遠，刑淫賞善。不  
 失毫分也。注直而不肆。故狎之。○正義曰：肆謂放肆。言  
 大人質直而不放肆。故小人輕狎之也。

孔子曰：生而知之者，上也。學而知之者，次也。困而學之，  
 又其次也。注孔曰：困謂有所不通。困而不學，民斯為下。

矣。

**疏**

正義曰。此章勸人學也。生而知之者上也。者。謂聖人也。學而知之者次也。者。言由學而知道。次於聖

人。謂賢人也。困而學之。又其次也。者。人本不好學。因其行事有所困。擗不通。發憤而學之者。復次於賢人也。困而不學。民斯為下矣。者。謂知困而不能學。此為下愚之民也。**注**孔曰。困。謂有所不通。○正義曰。言於事不能通達者也。左傳昭七年。公如楚。孟僖子為介。不能相禮。及楚。不能答郊勞。九月。公至自楚。孟僖子病。不能相禮。乃講學之。是其困而學之者也。

孔子曰。君子有九思。視思明。聽思聰。色思溫。貌思恭。言

思忠。事思敬。疑思問。忿思難。見得思義。

**音義**

分。乃。反。難。乃。且。反。

**疏**正義曰。此章言君子有九種之事。當用心思慮。使合禮義也。視思明者。目觀為視。見微為明。言君子觀視

當思見微。若離婁也。聽思聰者。耳聞為聽。聽遠為聰。言君子耳聽。當思聞遠。若師曠也。色思溫者。顏色不可嚴猛。當思溫和也。貌思恭者。體貌接物。不可驕亢。當思恭遜也。言思忠者。凡所言論。不可隱欺。當思盡其忠。心也。

事思敬者。凡人執事多惰怠。君子當思謹敬也。疑思問者。已有疑事。不使在躬。當思問以辯之也。忿思難者。謂人以非理忤己。己必忿怒。心雖忿怒。不可輕易。當思其後得無患難乎。若一朝之忿。忘其身。以及其親。是不思難者也。見得思義者。言若有所得。當思義。然後取。不可苟也。

孔子曰。見善如不及。見不善如探湯。吾見其人矣。吾聞其語矣。**注**孔曰。探湯。喻去惡疾。隱居以求其志。行義以

達其道。吾聞其語矣。未見其人也。

**音義**

探。吐南反。**疏**正義曰。此章言

善人難得也。見善如不及者。言爲善常汲汲也。見不善如探湯者。人之探試熱湯。其去之必速。以喻見惡事去之疾也。吾見其人矣。吾聞其語矣者。言今人與古人。皆有能若此者也。隱居以求其志者。謂隱遯幽居。以求遂其己志也。行義以達其道者。謂好行義事。以達其仁道也。吾聞其語矣。未見其人也者。言但聞其語。說古有此行之人也。今則無有。故未見其人也。

齊景公有馬千駟。死之日。民無德而稱焉。**注**孔曰。千駟

四千匹。伯夷叔齊餓于首陽之下。**注**馬曰。首陽山在河

東蒲坂縣華山之北。河曲之中。民到于今稱之。其斯之

謂與。**注**王曰。此所謂以德爲稱。**音義**坂音反。華如字。又

**說**正義曰。此章貴德也。齊景公有馬千駟。死之日。民無

德而稱焉者。景公齊君。景諡也。馬四匹爲駟。千駟四

千匹也。言齊君景公。雖富有千駟。及其死也。無德可稱。

伯夷叔齊餓于首陽之下。民到于今稱之。其斯之謂與。

者。夷齊孤竹君之二子。讓位適周。遇武王伐紂。諫之不

人。及武王既誅紂。義不食周粟。故于河東郡蒲坂縣首

陽山下。采薇而食。終於餓死。雖然窮餓。民到于今稱之。以爲古之賢人。其此所謂以德爲稱者與。  
陳亢問於伯魚曰。子亦有異聞乎。**注**馬曰。以爲伯魚孔  
子之子。所聞當有異。對曰。未也。嘗獨立。**注**孔曰。獨立謂

孔子鯉趨而過庭曰學詩乎對曰未也不學詩無以言  
 鯉退而學詩他日又獨立鯉趨而過庭曰學禮乎對曰  
 未也不學禮無以立鯉退而學禮聞斯二者陳亢退而  
 喜曰問一得三聞詩聞禮又聞君子之遠其子也

**音義**

亢音剛又若浪反鯉音里伯魚名也遠于萬反也陳亢問於伯魚曰子亦有異聞乎者伯魚孔子之子鯉也弟子陳亢以為伯魚是孔子之子所聞當有異於餘人故問之對曰未也者答言未有異聞也嘗獨立鯉趨而過庭曰學詩乎對曰未也不學詩無以言鯉退而學詩者伯魚對陳亢言雖未

有異聞有時夫子曾獨立於堂鯉疾趨而過其中庭夫子謂己曰學詩乎己即對曰未也夫子又言不學詩無以言以古者會同皆賦詩見意若不學之何以為言也

鯉於是退而遂學通於詩也他日又獨立鯉趨而過庭曰學禮乎對曰未也不學禮無以立鯉退而學禮者謂異日夫子又嘗獨立而伯魚趨過夫子訓之曰學禮乎

答言未也。夫子又言若不學禮無以立身。以禮者恭儉莊敬。人有禮則安。無禮則危。故不學之則無以立其身也。鯉於是退而學。通於禮。聞斯二者者。蓋言別無異聞。但聞此詩。禮二者也。陳亢退而喜者。既問伯魚退而喜。悅也。曰問一得三。聞詩聞禮。又聞君子之遠其子也者。亢言始但聞異問。是問一也。今乃聞詩可以言禮。可以立。且鯉也。過庭方始受訓。則知不常嘻嘻褻慢。是又聞君子之疏遠其子也。故爲得三。所以喜也。

邦君之妻。君稱之曰夫人。夫人自稱曰小童。邦人稱之曰君夫人。稱諸異邦曰寡小君。異邦人稱之亦曰君夫人。

**注** 孔子曰。小君。君夫人之稱。對異邦謙。故曰寡小君。當

此之時。諸侯嫡妾不正。稱號不審。故孔子正言其禮也。

**音義** 稱。尺證反。下同。適。丁歷反。本又作適。同。**疏** 正義曰。此章正夫人之名

夫人也。妻者齊也。言與夫齊體。上下之通稱。故曰邦君之妻也。君稱之曰夫人者。夫之言扶也。能扶成人君之

乾隆四年校刊

論語注疏卷一



德也。邦君自稱其妻。則曰夫人也。夫人自稱曰小童者。自稱謙言己小弱之童稚也。邦人稱之曰君夫人者。謂國中之臣民。言則繫君而稱之。言是君之夫人。故曰君夫人也。稱諸異邦曰寡小君者。諸於也。謂己國臣民稱己君之夫人於他國之人。則曰寡小君。對異邦謙也。以對異邦稱君曰寡君。謙言寡德之君。夫人對君爲小。故曰寡小君也。異邦人稱之亦曰君夫人者。謂稱他國君妻。亦曰君夫人也。以當此之時。諸侯嫡妾不正。稱號不審。故孔子正言其禮也。

論語注疏卷十六

論語注疏卷十六考證

季氏將伐顓臾章東蒙主注使主祭蒙山疏地理志云

泰山蒙陰縣蒙山在西南有祠顓臾在蒙山下○臣

宗楷

按馮氏曰禹貢有二蒙徐州蒙羽其藝東蒙也

梁州蔡蒙旅平西蒙也闕宮頌云奄有龜蒙遂荒大

東注蒙東蒙也以其居魯之東故曰東蒙今沂州費

縣是也

齊景公有馬千駟章首陽注在河東蒲坂縣華山之北

河曲之中○陸埜經世驪珠曰水經注云在雷首山

臨大河北去蒲坂三十里曹大家注幽通賦云在隴

西首戴延之西征記云洛陽東北首陽山有夷齊祠  
說文云在遼西莊子註云在岐陽西北只今清源縣  
山考夷齊義不食周粟避地飢餓當不離朝歌故墟  
決無往近豐鎬之理洛陽之說非是其孟子居北海  
之濱則又紂在而避去之所非紂沒而盡節之地也

論語注疏卷十七

魏何晏集解

唐陸德明音義

宋邢昺疏

陽貨第十七

**音義**

凡二十四章

**疏**

正義曰。此篇論陪臣專恣。因明性習知愚。禮樂

本末。六蔽之惡。二南之美。君子小人。爲行各異。今之與古。其疾不同。以前篇首章。記家臣之亂。尊卑之差。故以相次也。

陽貨欲見孔子。孔子不見。

**注**

孔曰。陽貨。陽虎也。季氏家

臣而專魯國之政。欲見孔子使仕。歸孔子豚。

**注**

孔曰。欲

使往謝。故遺孔子豚。孔子時其亡也。而往拜之。遇諸塗。

**注**

孔曰。塗。道也。於道路與相逢。謂孔子曰。來。予與爾言。

曰。懷其寶而迷其邦。可謂仁乎。曰。不可。

**注**

馬曰。言孔子

不仕。是懷寶也。知國不治而不爲政。是迷邦也。好從事

而亟失時。可謂知乎。曰不可。**注**孔曰。言孔子棲棲好從

事。而數不遇失時。不得爲有知。日月逝矣。歲不我與。**注**

馬曰。年老歲月已往。當急仕。孔子曰。諾。吾將仕矣。**注**孔

曰。以順辭免。**音義**歸。如字。鄭本作饋。魯讀爲歸。今從古。

徒。治。直。吏。反。好。呼。報。反。注。同。亟。遺。唯。季。反。塗。字。當。作。途。音。

去。冀。反。知。音。智。注。同。數。色。角。反。**音義**正義曰。此章論家臣

之事也。陽貨欲見孔子者。陽貨。陽虎也。蓋名虎。字貨。爲

季氏家臣。而專魯國之政。欲見孔子。將使之仕也。孔子

不見者。疾其家臣專政。故不與相見也。歸孔子豚者。歸

遺也。豚。豕之小者。陽貨欲使孔子往謝。因得從容見之。

故遺孔子豚也。孔子時其亡也。而往拜之者。謂伺虎不

在家時。而往謝之也。遇諸塗者。塗。道也。孔子旣至貨家。

而反於道路。與相逢也。謂孔子曰。來。予與爾言者。貨呼

孔子使來就己。言我與汝有所言也。曰懷其寶而迷其

邦可謂仁乎者。此陽貨謂孔子之言也。實以喻道德。言孔子不仕。是懷藏其道德也。知國不治而不爲政。是使迷亂其國也。仕者當拯溺興衰。使功被當世。今汝乃懷寶迷邦。可以謂之仁乎。曰不可者。此孔子遜辭。言如此者。不可謂之仁也。好從事而亟失時。可謂知乎者。此亦陽貨謂孔子辭。亟。數也。言孔子棲棲好從事。而數不遇失時。可謂有知者乎。不得爲有知也。曰不可者。此亦孔子遜辭。言如此者。不可謂之知也。日月逝矣。歲不我與者。此陽貨勸孔子求仕之辭。逝。往也。言孔子年老。歲月已往。不復留待我也。當急求仕。孔子曰諾。吾將仕矣者。諾。應辭也。孔子知其勸仕。故應答之。言我將求仕。以順辭免去也。

子曰。性相近也。習相遠也。**注**孔子曰。君子慎所習。子曰。唯

上知與下愚不移。**注**孔子曰。上知不可使爲惡。下愚不可

使彊賢。**注**彊。其。正義曰。此章言君子當慎其所習。也。性。謂人所稟受以生而靜者也。

未爲外物所感。則人皆相似。是近也。旣爲外物所感。則習以性成。若習於善。則爲君子。若習於惡。則爲小人。是

相遠也。故君子慎所習。然此乃是中人耳。其性可上可下。故遇善則升。逢惡則墜也。孔子又嘗曰。唯上知聖人不可移之。使爲惡。下愚之夫。不可移之。使強賢。此則非如中人之性。習相近遠也。

子之武城。聞弦歌之聲。注孔曰。子游爲武城宰。夫子莞

爾而笑。注莞爾。小笑貌。曰。割雞焉。用牛刀。注孔曰。言治

小何須用大道。子游對曰。昔者偃也。聞諸夫子曰。君子

學道則愛人。小人學道則易使也。注孔曰。道謂禮樂也。

樂以和人。人和則易使。子曰。二三子。注孔曰。從行者。偃

之言是也。前言戲之耳。注孔曰。戲以治小而用大道。音

義

焉。於虔反。易以致反。注同。從才用反。

注

正義曰。此章論治民之道也。子

武城。魯邑名。時子游爲武城宰。意欲以禮樂化導於民。故弦歌。孔子因適武城而聞其聲也。夫子莞爾而笑曰。

割雞焉用牛刀者。莞爾小笑貌。言雞乃小牲。割之當用小刀。何用解牛之大刀。以喻治小何須用大道。今子游治小用大。故笑之。子游對曰。音者偃也。聞諸夫子曰。君子學道則愛人。小人學道則易使也者。子游見孔子笑。其治小用大。故稱名而引昔聞於夫子之言以對之。道謂禮樂也。禮節人心。樂和人聲。言若在位君子學禮樂。則愛養下人也。若在下小人學禮樂。則人和而易使也。子曰。二三子者。呼其弟子從行者也。偃之言是也。前言戲之耳者。孔子語其從者。言子游之說是我前言戲之以治小而用大道。其實用大道是也。

公山弗擾以費畔。召子欲往。

**注**

孔曰。弗擾爲季氏宰。與

陽虎共執季桓子而召孔子。子路不說曰。末之也已。何

必公山氏之之也。

**注**

孔曰。之適也。無可之則止。何必公

山氏之適。子曰。夫召我者而豈徒哉。如有用我者。吾其

爲東周乎。

**注**

興周道於東方。故曰東周。

**音義**

擾而小反。費。悲位反。



說音悅

**說**

正義曰。此章論孔子欲不避亂而興周道也。

夫音符

公山弗擾以費畔。召子欲往者。弗擾。卽左傳

公山不狃也。字子洩。爲季氏費邑宰。與陽虎共執季桓

子。據邑以畔。來召孔子。孔子欲往從之也。子路不說曰。

未之也。已何必公山氏之也者。上下二之字。俱訓爲

適。未無也。已止也。子路以爲君子當去亂就治。今孔子

乃欲就亂。故不喜說。且曰無可適也。則止之。何必公山

氏之適也。子曰夫召我者而豈徒哉。如有用我者。吾其

爲東周乎者。孔子答其欲往之意也。徒空也。言夫人召

我者。豈空然哉。必將用我道也。如有用我道者。我則興

周道於東方。其使魯爲東周乎。吾是以不擇地而欲往

也。**○**弗擾爲季氏宰。與陽虎共執季桓子。**○**正義曰。案

定五年左傳曰。六月季平子行東野。還未至。丙申卒于

房。陽虎將以輿。璠斂。仲梁懷弗與。曰。收步。收玉。陽虎欲

逐之。告公山不狃。不狃曰。彼爲君也。子何怨焉。旣葬。桓

子行東野。及費。子洩爲費宰。逆勞於郊。桓子敬之。勞仲

梁懷。仲梁懷弗敬。子洩怒。謂陽虎子行之乎。九月乙亥

陽虎囚季桓子。是其事也。至八年。又與陽虎謀殺桓子。

陽虎敗而出。至十二年。季氏將墮費。公山不狃。叔

孫輒。率費人以襲魯。國人敗諸姑蔑。二子奔齊。

子張問仁於孔子。孔子曰：能行五者於天下，爲仁矣。請

問之。曰：恭、寬、信、敏、惠。恭則不侮。注孔曰：不見侮慢。寬則

得衆，信則人任焉。敏則有功。注孔曰：應事疾則多成功。

惠則足以使人。疏正義曰：此章明仁也。子張問仁於孔

能行五者於天下爲仁矣者，言爲仁之道有五也。孔子曰

之者，子張復請問五者之目也。曰：恭、寬、信、敏、惠者，此孔

子略言爲仁五者之名也。恭則不侮者，此下孔子又歷

說五者之事也。言己若恭以接人，人亦恭以待己，故不

見侮慢。寬則得衆者，言行能寬簡，則爲衆所歸也。信則

人任焉者，言而有信，則人所委任也。敏則有功者，敏疾

也。應事敏疾，則多成功也。惠則足以使人者，有恩惠則人忘其勞也。

佛肸召，子欲往。注孔曰：晉大夫趙簡子之邑宰。子路曰：昔者由也聞諸夫子曰：親於其身爲不善者，君子不入。

也。**注**孔曰不入其國佛肸以中牟畔子之往也。如之何。

子曰然。有是言也。不曰堅乎。磨而不磷。不曰白乎。涅而

不緇。**注**孔曰磷薄也。涅可以染皁。言至堅者磨之而不

薄。至白者染之於涅而不黑。喻君子雖在濁亂。濁亂不

能汚。吾豈匏瓜也哉。焉能繫而不食。**注**匏瓠也。言瓠瓜

得繫一處者不食故也。吾自食物當東西南北不得如

不食之物。繫滯一處。**正義**佛音弼。肸許密反。磨末多反。

文云謂黑土在水中者也。緇側其反。皁才早反。汚汚辱

之汚。一音烏。又烏故反。匏薄交反。瓜古花反。焉於虔反。

瓠音故反。處**疏**正義曰此章亦言孔子欲不擇地而治

也。子路曰昔者由也聞諸夫子曰親於其身爲不善者

君子不入也者。言君子不入不善之國也。佛胥以中牟畔子之往也。如之何者。言今佛胥以中牟畔。則是身爲不善。而子欲往。如前言何。子曰。然。有是言也者。孔子答云。雖有此不入不善之言也。不曰。堅乎磨而不磷。不曰。白乎涅而不緇者。孔子之意。雖言不入不善。緣君子見幾而作。亦有可入之理。故爲之作譬。磷。薄也。涅。水中黑土。可以染早。緇。黑色也。人豈不曰。至堅者磨之而不薄。至白者染之於涅而不黑。以喻君子雖居濁亂。濁亂不能汚也。吾豈匏瓜也。或焉能繫而不食者。孔子又爲言其欲往之意也。匏。瓠也。瓠瓜得繫一處者。不食故也。吾自食物。當東西南北。不得如不食之物。繫滯一處。江熙云。夫子豈實之公山佛胥乎。欲往之意。以示無繫。以觀門人之意。如欲居九夷。乘桴浮於海耳。子路見形而不及道。故聞乘桴而喜。聞之公山而不說。升堂而未入室。安得聖人之趣。

子曰。由也女聞六言六蔽矣乎。**注**六言六蔽者。謂下六

事。仁知信直勇剛也。對曰。未也。居。吾語女。**注**孔曰。子路

起對。故使還坐。好仁不好學，其蔽也愚。注孔曰：仁者愛

物，不知所以裁之，則愚。好知不好學，其蔽也蕩。注孔曰：

蕩，無所適守。好信不好學，其蔽也賊。注孔曰：父子不知

相為隱之輩。好直不好學，其蔽也絞。好勇不好學，其蔽

也亂。好剛不好學，其蔽也狂。注孔曰：狂妄抵觸人。音義

蔽必世反。仁知之知音智。下好知同。語魚據反。好呼

報反。下同。適丁歷反。為于偽反。絞交卯反。抵丁禮反。疏

正義曰：此章勸學也。子曰：由也女聞六言六蔽矣乎者，蔽謂蔽塞不自見其過也。孔子呼子路而問之曰：女嘗

聞六言不學而皆蔽塞者乎？對曰：未也者，子路對言未

會聞也。居吾語女者，居猶坐也。禮君子問更端則起。子

路起對，故使還坐。吾將語女也。好仁不好學，其蔽也愚

者，此下歷說六言六蔽之事也。學者覺也。所以覺寤未

知也。仁之為行，學則不固。是以愛物好與曰仁。若但好

仁，不知所以裁之，所施不當，則如愚人也。好知不好學

其蔽也蕩者。明照於事曰知。若不學以裁之。則其蔽在於蕩逸。無所適守也。好信不好學。其蔽也賊者。人言不欺爲信。則當信義。若但好信而不學以裁之。其蔽在於賊害。父子不知相爲隱之輩也。好直不好學。其蔽也絞者。絞。切也。正人之曲曰直。若好直不好學。則失於譏刺太切。好勇不好學。其蔽也亂者。勇。謂果敢。當學以知義。若好勇而不好學。則是有勇而無義。則爲賊亂。好剛不好學。其蔽也狂者。狂。猶妄也。剛者無欲。不爲曲求。若好恃其剛。不學以制之。則其蔽也。妄抵觸人。

子曰。小子何莫學夫詩。**注**包曰。小子。門人也。詩可以興。

**注**孔曰。興。引譬連類。可以觀。**注**鄭曰。觀風俗之盛衰。可

以羣。**注**孔曰。羣居相切磋。可以怨。**注**孔曰。怨刺上政。邇

之事。父遠之事。君。**注**孔曰。邇。近也。多識於鳥獸草木之

名。子謂伯魚曰。女爲周南召南矣乎。人而不爲周南召

南其猶正牆面而立也與。注馬曰周南召南國風之始

樂得淑女以配君子三綱之首王教之端故人而不爲

如向牆而立。注夫音符與許應反。注同。觀如字。注同。

反。下及注同。與音餘。疏正義曰此章勸人學詩也。子曰

淑受六反。女如字。小子何莫學夫詩者。小子門人

也。莫不也。孔子呼門人曰何不學夫詩也。詩可以興者

又爲說其學詩有益之理也。若能學詩詩可以令人能

引譬連類以爲比興也。可以觀者詩有諸國之風俗盛

衰可以觀覽知之也。可以羣者詩有如切如磋可以羣

居相切磋也。可以怨者詩有君政不善則風刺之。言之

者無罪聞之者足以戒。故可以怨刺上政。邇之事父遠

之事君者邇近也。詩有凱風白華相戒以養是有近之

事父之道也。又有雅頌君臣之法是有遠之事君之道

也。言事父與君皆有其道也。多識於鳥獸草木之名者

言詩人多記鳥獸草木之名以爲比興。則因又多識於

此鳥獸草木之名也。子謂伯魚曰女爲周南召南矣乎

者爲猶學也。孔子謂其子伯魚曰女學周南召南之詩

矣乎人而不爲周南召南其猶正牆面而立也與者又  
爲說宜學周南召南之意也牆面而向牆也周南召南  
國風之始三綱之首王教之端故人若學之則可以觀  
興人而不爲則如面正向牆而立無所觀見也注周南  
至而立○正義曰云周南召南國風之始者詩序云然  
則關雎麟趾之化王者之風故繫之周公南言化自北  
而南也鵠巢騶虞之德諸侯之風也先王之所以教故  
繫之召公周南召南正始之道王化之基是以周南召  
南二十五篇謂之正國風爲十五國風之始也云樂得  
淑女以配君子者亦詩關雎序文也言二南皆是正始  
之道先美家內之化是以關雎之篇說后妃心之所樂  
樂得此賢善之女以配己之君子也云三綱之首王教  
之端者白虎通云三綱者何謂謂君臣父子夫婦也君  
爲臣綱父爲子綱夫爲妻綱有夫婦然後有父子有父  
子然後有君臣二南之詩首論夫婦文王刑于寡妻至  
于兄弟以御于家邢是故二國之詩以后妃夫人之德  
爲首終以麟趾騶虞言后妃夫人有斯德興助其君子  
皆可以成功至于致嘉瑞故爲三綱之首王教之端也

子曰禮云禮云玉帛云乎哉

**注**

鄭曰玉圭璋之屬帛束



帛之屬。言禮非但崇此玉帛而已。所貴者。乃貴其安上。

治民樂云。樂云。鐘鼓云乎哉。**注**馬曰。樂之所貴者。移風

易俗。非謂鐘鼓而已。**疏**正義曰。此章辨禮樂之本也。子

圭璋之屬。帛束帛之屬。皆行禮之物也。言禮之所云。豈

在此。玉帛云乎者哉。言非但崇此玉帛而已。所貴者。在

於安上治民。樂云。樂云。鐘鼓云乎哉者。鐘鼓。樂之器也。

樂之所貴者。貴其移風易俗。非謂貴此鐘鼓鏗鏘而已。

故孔子歎之。重言之者。深明禮樂之本。不在玉帛鐘鼓也。

子曰。色厲而內荏。**注**孔曰。荏。柔也。謂外自矜厲而內柔

佞。譬諸小人。其猶穿窬之盜也。**注**孔曰。爲人如此。猶

小人之有盜心。穿。穿壁窬窬牆。**言義**荏。而審反。柔

也。與音餘。**疏**正義曰。此章疾時人。體與情反也。厲。矜莊也。荏。柔佞也。穿。穿

壁窬窬牆也。言外自矜厲而內柔佞。爲人如此。譬之猶

小人外雖持正。內常有穿壁窬牆竊盜之心也。與。

子曰。鄉原德之賊也。

**注**

周曰。所至之鄉。輒原其人。情而

爲意以待之。是賊亂德也。一曰。鄉向也。古字同。謂人不

能剛毅。而見人輒原其趣嚮。容媚而合之。言此所以賊

德也。

**音義**

鄉如字。又許亮反。

**疏**

正義曰。此章疾時人之詭隨也。舊解有二。周曰。所至之鄉。輒原

其人情而爲意以待之。是賊亂德也。何晏云。一曰。鄉向也。古字同。謂人不能剛毅。而見人輒原其趣嚮。容媚而合之。言此所以賊德也。

子曰。道聽而塗說。德之棄也。

**注**

馬曰。聞之於道路。則傳

而說之。

**音義**

傳直專反。說音悅。

**疏**

正義曰。此章疾時人不習而

道。路則於道路傳而說之。必多謬妄。爲有德者所棄也。

子曰鄙夫可與事君也與哉注孔曰言不可與事君其

未得之也患得之注患得之者患不能得之此俗言既

得之患失之苟患失之無所不至矣注鄭曰無所不至

者言其邪媚無所不為音義與哉之與音餘本或作無

疏正義曰此章論鄙夫之行也子曰鄙夫可與事君也

患得之者此下明鄙夫不可與之事君也其未得之也

患不能得也言其初未得事君也時常患已不能得事

君也既得之患失之者言不能任直守道常憂患失其

祿位也苟患失之無所不至矣者苟誠也若誠憂失之

則用心顧惜竊位偷安言其邪媚無所不為也以此故不可與事君也

子曰古者民有三疾今也或是之亡也注包曰言古者

民疾與今時異古之狂也肆注包曰肆極意敢言今之

狂也蕩。**注**孔曰。蕩。無所據。古之矜也廉。**注**馬曰。有廉隅。

今之矜也忿戾。**注**孔曰。惡理多怒。古之愚也直。今之愚

也許而已矣。**注**廉魯讀廉為貶。今從古。戾。力計反。**疏**正義曰。此章論

古人也。子曰。古者淳朴之時。民有三疾。今也。或是之亡也者。亡。無

也。言古者民疾與今時異。古之狂也肆者。此下歷言

三疾也。肆。謂極意敢言。多抵觸人也。今之狂也蕩者。謂

無所依據。大放浪也。古之矜也廉者。謂有廉隅。自檢束

也。今之矜也忿戾者。謂忿怒而多咈戾。惡理多怒。古之

愚也。直者。謂心直而無邪曲。今之愚也。詐而已矣者。謂多行欺詐自利也。

子曰。巧言令色。鮮矣仁。**注**王曰。巧言無實。令色無質。**疏**

正義曰。此章與學而篇同。弟子各記所聞。故重出之。子曰。惡紫之奪朱也。**注**孔曰。朱。正色。紫。間色之好者。惡

其邪好而奪正色惡鄭聲之亂雅樂也。**注**包曰鄭聲。**注**

聲之哀者惡其亂雅樂惡利口之覆邦家者。**注**孔曰利

口之人多言少實苟能悅媚時君傾覆國家。**音義**惡鳥

下同。間。間。廁之。間。邪。似。**疏**正義曰此章記孔子惡邪奪

嗟反。覆。芳。服反。**注**同。正也。惡。紫。之。奪。朱。也。者。朱。正

色。紫。間。色。之。好。者。惡。其。邪。好。而。奪。正。色。也。惡。鄭。聲。之。亂

雅樂也者。鄭聲。淫聲之哀者。惡其淫聲亂正樂也。惡利

口之覆邦家者。利口之人。多言少實。苟能悅媚時君。傾

覆國家也。**注**孔曰至正色。○正義曰云朱正色紫間色

者。皇氏云。謂青赤黃白黑。五方正色。不正謂五方間色。綠紅碧紫駮黃色是也。青是東方正。綠是東方間。東為木。木色青。木克土。土色黃。並以所克為間。故綠色青黃也。朱是南方正。紅是南方間。南為火。火色赤。火克金。金色白。故紅色赤白也。白是西方正。碧是西方間。西為金。金色白。金克木。故碧色青白也。黑是北方正。紫色是北方

間。北方水。水色黑。水克火。火色赤。故紫色赤黑也。黃是中央正。駮黃是中央間。中央土。土色黃。土克水。水色黑。

故駢黃色  
黃黑也。

子曰。予欲無言。子貢曰。子如不言。則小子何述焉。**注**言

之爲益少。故欲無言。子曰。天何言哉。四時行焉。百物生

焉。天何言哉。**音義**天何言哉。魯讀。正義曰。此章戒人

無言者。君子訥於言而敏於行。以言之爲益少。故欲無

言。子貢曰。子如不言。則小子何述焉者。小子。弟子也。子

貢聞孔子不欲言。故告曰。夫子若不言。則弟子等何所

傳述。子曰。天何言哉。四時行焉。百物生焉。天何言哉者。

此孔子舉天亦不言而令行以爲譬也。天何嘗有言語

哉。而四時之令遞行焉。百物皆依時而生焉。天何嘗有  
言語敎命哉。以喻人若無  
言。但有其行。不亦可乎。  
孺悲欲見孔子。孔子辭以疾。將命者出戶。取瑟而歌。使  
之聞之。**注**孺悲魯人也。孔子不欲見。故辭之以疾。爲其

將命者不已。故歌令將命者悟。所以令孺悲思之。

**音義**

孺而樹反。字亦作孺。為于偽反。令力呈反。孺悲魯人也。來欲見孔子。孔子不欲見。故辭之以疾也。將命者出戶取瑟而歌。使之聞之。將猶奉也。奉命者主人傳辭出入人也。初將命者來入戶言孺悲求見。夫子辭之以疾。又為將命者不已。故取瑟而歌。令將命者聞之。而悟己無疾。但不欲見之。所以令孺悲思之。

宰我問三年之喪。期已久矣。君子三年不為禮。禮必壞。三年不為樂。樂必崩。舊穀既沒。新穀既升。鑽燧改火。期可已矣。

**注**

馬曰。周書月令有更火之文。春取榆柳之火。

夏取棗杏之火。季夏取桑柘之火。秋取柞櫛之火。冬取槐檀之火。一年之中。鑽火各異木。故曰改火也。子曰。食

夫稻衣夫錦於女安乎曰安女安則爲之夫君子之居喪食旨不甘聞樂不樂居處不安故不爲也今女安則爲之音孔曰旨美也責其無仁恩於親故再言女安則爲之宰我出子曰予之不仁也子生三年然後免於父母之懷音馬曰子生未三歲爲父母所懷抱夫三年之喪天下之通喪也音孔曰自天子達於庶人予也有三年之愛於其父母乎音孔曰言子之於父母欲報之恩昊天罔極而予也有三年之愛乎音義期音基一本作其鑽子官反燧

音遂期可之期居宜反更古衡反一音古孟反柘章夜

反柘子各反檜羊久反又音由槐音懷食音嗣夫音符

下同衣於旣反不樂音正義曰此章論三年喪禮也宰

之樂音洛昊胡老反音我問三年之喪期已久矣者禮

乾隆四年校刊



喪服爲至親者三年。宰我嫌其三年太遠。故問於夫子曰：「三年之喪，期已久矣乎？」君子三年不爲禮，禮必壞；三年不爲樂，樂必崩者，此宰我又說喪不可三年之義也。言禮檢人迹，樂和人心。君子不可斯須去身，惟在喪則皆不爲也。不爲既久，故禮壞而樂崩也。舊穀旣沒，新穀旣升，鑽燧改火，期可已矣者，宰我又言三年之喪，一期爲足之意也。夫人之變遷，本依天道。一期之間，則舊穀已沒，新穀已成，鑽燧改火，謂之燧。言鑽燧者，又已改變出火之木。天道革物，旣已改新，則人情亦宜從舊。故喪禮但一期而除，亦可已矣。子曰：「食夫稻，衣夫錦，於女安乎？」孔子見宰我言至親之喪，欲以期斷，故問之。言禮爲父母之喪，旣殯，食粥，居倚廬，斬衰三年，期而小祥，食菜果，居堊室，練冠繚緣，要經不除。今女旣期之後，食稻衣錦，於女之心，得安否乎？曰：「安者，宰我言旣期除喪，卽食稻衣錦，其心安也。女安則爲之者，孔子言女心安，則自爲之。夫君子之居喪，食旨不甘，聞樂不樂，居處不安，故不爲也。今女安則爲之者，孔子又爲說不可安之禮。旨，美也。言君子之居喪也。疾卽飲酒食肉，雖食美味，不以爲甘。雖聞樂聲，不以爲樂。寢苦枕塊，居處不求安也。故不爲食稻衣錦之事。今女旣心安，則任自爲之。責其

無仁恩於親故再言女安則爲之。宰我出子曰予之不  
仁也。子生三年然後免於父母之懷者。予宰我名宰我  
方當愚執。夫子不欲面斥其過。故宰我既問而出去。孔  
子對二子言曰。夫宰予不仁於父母也。凡人子生未  
三歲常爲父母所懷抱。既三年然後免離父母之懷。是  
以聖人制喪禮爲父母三年。夫三年之喪天下之通喪  
也。者通達也。謂上自天子下達庶人皆爲父母三年。故  
曰通喪也。予也有三年之愛於其父母乎者。爲父母愛  
己。故喪三年。今予也不欲行三年之喪。是有三年之恩  
愛於父母乎。注馬曰至火也。正義曰云周書月令有  
更火之文者。周書孔子所刪尙書百篇之餘也。晉大康  
中得之汲冢。有月令篇。其辭今亡。案周禮司燿掌行火  
之政令。四時變國火以救時疾。鄭玄注云。行猶用也。變  
猶易也。鄭司農說以鄰子曰。春取榆柳之火。夏取棗杏  
之火。季夏取桑柘之火。秋取柞櫛之火。冬取槐檀之火。  
其文與此正同。釋者云。榆柳青。故春用之。棗杏赤。故夏  
用之。桑柘黃。故季夏用之。柞櫛白。故秋用之。槐檀黑。故  
冬用之。注孔曰自天子達於庶人。正義曰禮記三年  
問云。夫三年之喪。天下之通喪也。鄭玄云。達謂自天子  
至於庶人。喪服四制曰。此喪之所以三年。賢者不得過。

不肖者不得不及。檀弓曰：先王制禮也。過之者俯而就之。不至者跂而及之也。聖人雖以三年爲文，其實二十五月而畢。若駟之過隙，然而遂之，則是無窮也。故先王爲之立中制節，壹使足以成文理，則釋之矣。喪服四制：曰始死三日不怠，三月不解，期悲哀，三年憂，恩之殺也。故孔子云：子生三年，然後免於父母之懷。夫三年之喪，天下之通喪也，所以喪必三年爲制也。○正義曰：云欲報之德，昊天罔極者，小雅蓼莪文。鄭箋云：之猶是也。我欲報父母，是德昊天乎？我心無極。云予也有三年之愛乎者，言予不欲服喪三年，是無三年之愛也。繆協云：爾時禮壞樂崩，三年不行，宰我大懼其往，以爲聖人無微旨，以戒將來，故假時人之謂，啓憤於夫子。義在屈己以明道也。

子曰：飽食終日，無所用心，難矣哉！不有博奕者乎？爲之

猶賢乎已。

**注**

馬曰：爲其無所據樂，善生淫欲。

**音義**

奕，音亦。爲。

具之爲子，僞反。樂。

**疏**

正義曰：此章疾人之不學也。子曰：飽食終日，無所用心，難矣哉者，言

人飽食終日。於善道無所用心。則難以爲處矣哉。不有博弈者乎。爲之猶賢乎已者。賢勝也。已。止也。博。說文作籀局戲也。六箸十二棊也。古者烏曹作籀。圍棊謂之奕。說文奕從升。言竦兩手而執之。棊者所執之子。以子圍而相殺。故謂之圍棊。圍棊稱弈者。又取其落弈之義也。夫子爲其飽食終日。無所據樂。善生淫欲。故教之口。不有博弈之戲者乎。若其爲之。猶勝乎止也。欲令據此爲樂。則不生淫欲也。

子路曰。君子尚勇乎。子曰。君子義以爲上。君子有勇而

無義爲亂。小人有勇而無義爲盜。**論**正義曰。此章抑子

尚勇乎者。子路有勇。意謂勇可崇尚。故問於夫子。曰。君子當尚勇乎。子曰。君子義以爲上者。言君子不尚勇而上義也。上。卽尚也。君子有勇而無義爲亂。小人有勇而無義爲盜者。君子指在位者。合宜爲義。言在位之人。有勇而無義。則爲亂逆。在下小人。有勇而無義。必爲盜賊。

子貢曰。君子亦有惡乎。子曰。有惡。惡稱人之惡者。**包**

曰好稱說人之惡所以爲惡惡居下流而訕上者

曰訕謗毀惡勇而無禮者惡果敢而窒者

塞也曰賜也亦有惡乎惡微以爲知者

抄人之意以爲己有惡不孫以爲勇者惡訐以爲直者

**注**包曰訐謂攻發人之陰私

**音義**惡烏路反除稱人之惡注爲惡三字餘同

音好呼報反訕所諫反窒珍栗反魯讀窒爲室今從古

微古堯反鄭本作絞古卯反知音智抄初交反孫音遜

下章同訐居謁反攻人陰私

**疏**正義曰此章論人有惡說文云面相斥字林紀列反

子亦有惡乎者君子謂夫子也子貢問夫子之意亦有

憎惡者乎子曰有惡者答言有所憎惡也惡稱人之惡

者謂好稱說人之惡所以惡之惡居下流而訕上者訕

謗毀也謂人居下位而謗毀在上所以惡之也惡勇而

無禮者勇而無禮義爲亂所以惡之也惡果敢而窒者

窒謂窒塞謂好爲果敢窒塞人之善道所以惡之也

賜也亦有惡乎者。子貢言賜也亦有所憎惡也。惡微以爲知者。微抄也。禮毋勦說。若抄人之意以爲己有。所以惡之。惡不孫以爲勇者。孫順也。君子義以爲勇。若以不順爲勇者。亦可惡也。惡許以爲直者。許謂攻發人之陰私也。人之爲直。當自直己。若攻發他人陰私之事。以成己之直者。亦可惡也。

子曰唯女子與小人爲難養也。近之則不孫。遠之則怨。

**音義**

近。附近之近。遠。于萬反。

**疏**

正義曰。此章言女子與小人皆無正性。難畜養。所以難養者。以其親

近之則多不孫順。疏遠之則好生怨恨。此言女子舉其大率耳。若其稟性賢明。若文母之類。則非所論也。

子曰年四十而見惡焉其終也已。**注**鄭曰年在不惑而

爲人所惡終無善行。

**音義**

惡。烏路反。注。同。行。下孟反。

**疏**

正義曰。此章

猶爲惡行而見憎惡於人者。則是其終無善行也已。以其年在不惑。而猶爲人所惡。必不能追改故也。

論語注疏卷十七

論語注疏卷十七考證

宰我問三年之喪章鑽燧改火注周書月令有更火之

文鑽火各異木故曰改火○

臣宗楷

按丹鉛總錄云

先王取火法五行榆柳色青以象木棗杏色赤以象  
火桑柘色黃以象土槐檀色白以象金柞櫨色元以  
象水蓋各指其時之方色取義留青日札云古者鑽  
燧改火所以革故鼎新榆柳木之火也棗杏火之火  
也桑柘土之火也槐檀金之火也柞櫨水之火也饒  
魯曰五行中各有五行火有五色如金有五金之類



論語注疏卷十七考證

論語注疏卷十八

魏何晏集解

唐陸德明音義

宋邢昺疏

微子第十八

**音義**

凡十四章

**疏**

正義曰此篇論天下無道禮壞樂崩君子仁人或去

或死否則隱淪巖野周流四方因記周公戒魯公之語四乳生入士之名以前篇言羣邪在位則必致仁人失所故以此篇次之

微子去之箕子爲之奴比干諫而死

**注**

馬曰微箕二國

名子爵也微子紂之庶兄箕子比干紂之諸父微子見

紂無道早去之箕子佯狂爲奴比干以諫見殺孔子曰

殷有三仁焉

**注**

仁者愛人三人行異而同稱仁以其俱

在憂亂寧民也

**音義**

紂直又反行下孟反

**疏**

正義曰此章論殷有三仁志同行異也微

子去之箕子為之奴比干諫而死者微子紂之庶兄箕子比干紂之諸父見紂無道微子去之箕子佯狂為奴比干以諫見殺孔子曰般有三仁焉者愛人謂之仁三人所行異而同稱仁以其俱在憂亂寧民也注馬曰至見殺○正義曰云微箕二國名子爵也者孔安國云微圻內國名子爵為紂卿士去無道鄭立以為微與箕俱在圻內孔雖不言箕亦當在圻內王肅云微國名子爵入為王卿士肅意蓋以微為圻外故言入也微子名啓世家作開辟漢景帝名也云微子紂之庶兄箕子比干紂之諸父者啓與其弟仲衍皆紂之同母庶兄也呂氏春秋仲冬紀云紂之母生微子啓與仲衍其時猶尚為妾改而為妻後生紂紂之父欲立微子啓為太子太史據法而爭曰有妻之子不可立妾之子故立紂為後徧檢書傳不見箕子之名惟司馬彪注莊子云箕子名胥餘不知出何書也家語曰比干是紂之親則諸父知比干是紂之諸父耳箕子則無文宋世家云箕子者紂之親戚也言親戚不知為文為兄也鄭玄王肅皆以箕子為紂之諸父服虔杜預以為紂之庶兄既無正文各以意言之耳云微子見紂無道早去之箕子佯狂為奴比干以諫見殺者尚書微子篇備有去般之事本紀云西

伯既卒。周武王之東伐至孟津。諸侯叛殷會周者八百。諸侯皆曰。紂可伐矣。武王曰。爾未知天命。乃復歸。紂愈淫亂不止。微子數諫不聽。乃與太師謀。遂去。紂曰。爲人臣者。不得不以死爭。迺強諫。紂怒曰。吾聞聖人。心乃佯狂爲奴。紂又囚之。是也。

柳下惠爲士師。

**禮記**

孔曰。士師。典獄之官。三黜。人曰。子未

可以去乎。曰。直道而事人。焉往而不三黜。

**禮記**

孔曰。苟直

道以事人。所至之國。俱當復三黜。枉道而事人。何必去

父母之邦。

**論語**

三。息。暫。反。又。如。字。黜。勅。律。反。焉。於。虔。反。復。扶。又。反。枉。往。反。

**疏**

正義曰。此

章論柳下惠之行也。柳下惠爲士師者。士師。典獄之官也。三黜者。時柳下惠爲魯典獄之官。任其直道。羣邪醜直。故三黜退。人曰。子未可以去乎者。或人謂柳下惠曰。吾子數被黜辱。未可以去魯乎。曰。直道而事人焉。往而不三黜。枉道而事人。何必去父母之邦者。答或人不去之意也。焉。何也。枉曲也。時世皆邪。己用直道以事

於人則何往而不三黜乎。言苟直道以事人。所至之國。俱當復三黜。若舍其直道而曲以事人。則在魯亦不見黜。何必去父母所居之國也。**注**士師典獄之官。正義曰。士師。卽周禮司寇之屬。有士師鄉士。皆以士爲官名。鄭立云。士察也。主察獄訟之事。是士師爲典獄之官也。

齊景公待孔子曰。若季氏則吾不能。以季孟之間待之。

**注**孔曰。魯三卿。季氏爲上卿。最貴。孟氏爲下卿。不用事。

言待之以二者之間曰。吾老矣。不能用也。孔子行。**注**以

聖道難成。故云吾老不能用。**注**正義曰。此章言孔子失

待。遇也。謂以祿位接遇孔子也。曰。若季氏則吾不能。以季孟之間待之者。魯三卿。季氏爲上卿。最貴。孟氏爲下

卿。不用事。景公言我待孔子以上卿之位。若魯季氏則不能。以其有田氏專政故也。又不可使其位卑。若魯孟

氏。故欲待之以季孟二者之間。曰。吾老矣。不能用也。者。時景公爲臣下所制。雖說孔子之道。而終不能用。故註

云聖道難成。吾老不能用也。孔子行者，去齊而歸魯也。  
**注**以聖道難成，故云吾老不能用。正義曰：案世家云：魯昭公奔齊，項之魯亂，孔子適齊，景公數問政。景公說將以尼谿田封孔子，晏嬰諫而止之。異日，景公止孔子曰：「奉子以季氏，吾不能以季孟之間待之。」齊大夫欲害孔子，孔子聞之，景公曰：「吾老矣，弗能用也。」孔子遂行。反乎魯，是其事也。

齊人歸女樂，季桓子受之，三日不朝，孔子行。**注**孔曰：桓

子，季孫斯也。使定公受齊之女樂，君臣相與觀之，廢朝

禮三日。**首義**歸如字，鄭作饋，其貴反。女樂，正義曰：此並如字，注同。朝，直遙反。注同。**說**章言孔子

去無道也。桓子，季孫斯也。使定公受齊之女樂，君臣相與觀之，廢朝禮三日。孔子遂行也。案世家：定公十四年，

孔子年五十六，由大司寇行攝相事。於是誅魯大夫亂政者少正卯。與聞國政三月，粥羔豚者弗飾賈，男女行

者別於塗，塗不拾遺，四方之客至乎邑者，不求有司，皆予之以歸。齊人聞之而懼曰：「孔子為政必霸，霸則吾地

乾隆四年校刊

近焉。我之爲先并矣。蓋致地。犁鉏請先嘗沮之。沮之而不可。則致地庸遲乎。於是選齊國中女子好者八十人。皆衣文衣而舞康樂。文馬三十駟。遺魯君。陳女樂文馬於魯城南高門外。季桓子微服往觀。再二將受。乃語魯君。爲周道遊。往觀終日。怠於政事。子路曰。夫子可以行矣。孔子曰。魯今且郊。如致膳乎大夫。則吾猶可以止。桓子卒受齊女樂。三日不聽政。郊又不致膳。粗於大夫。孔子遂行。宿乎屯。而師已送曰。夫子則非罪。孔子曰。吾欲優哉游哉。維以卒歲。師已反。桓子曰。孔子亦何言。師已以實告。桓子喟然歎曰。夫子罪我以羣婢故也。孔子遂適衛矣。

楚狂接輿歌而過孔子

**注**

孔曰。接輿楚人。佯狂而來歌。

欲以感切孔子。曰。鳳兮鳳兮。何德之衰。

**注**

孔曰。此孔子

於鳳鳥。鳳鳥待聖君乃見。非孔子周行求合。故曰衰。往

者不可諫。

**注**

孔曰。已往所行。不可復諫止。來者猶可追。

**注** 孔曰。自今已來。可追自止。辟亂隱居。已而已而。今之

從政者。始而**注** 孔曰。已而已而者。言世亂已甚。不可復

治也。再言之者。傷之深也。孔子下。欲與之言。趨而辟之。

不得與之言。**注** 包曰。下下車。**音義** 興音餘。注同。見賢遍

**音避**。下同。殆而魯讀。期斯已矣。今之從政者。始

今從古。孔子下。包云。下車也。鄭云。下堂出門也。**疏** 正義曰。此

章記接輿佯狂感切孔子也。楚狂接輿歌而過孔子者。

接輿楚人。姓陸名通。字接輿也。昭王時。政令無常。乃被

髮佯狂不仕。時人謂之楚狂也。時孔子適楚。與接輿相

遇。而接輿行歌。從孔子邊過。欲感切孔子也。曰鳳兮鳳  
兮。何德之衰。往者不可諫。來者猶可追。已而已而。今之  
從政者。殆而者。此其歌辭也。知孔子有聖德。故比孔子  
於鳳。但鳳鳥待聖君乃見。今孔子周行求合諸國。而每  
不合。是鳳德之衰也。諫止也。言已往所行者。不可復諫  
止也。自今已來。猶可追而自止。欲勸孔子辟亂隱居也。  
已而已而者。言世亂已甚。不可復治也。再言之者。傷之

乾隆四年校刊

論語注疏卷十八

四



深也。殆危也。言今之從政者皆無德。自將危亡無日。故曰始而而皆語辭也。孔子下欲與之言者。下謂下車。孔子感其言。故下車欲與語。趨而辟之不得與之言者。趨謂疾行也。疾行以辟孔子。故孔子不得與之言也。

長沮桀溺耦而耕。孔子過之。使子路問津焉。**注**鄭曰。長

沮桀溺。隱者也。耜廣五寸。二耜爲耦。津。濟渡處。長沮曰。

夫執輿者爲誰。子路曰。爲孔丘。曰。是魯孔丘與。曰。是也。

曰。是知津矣。**注**馬曰。言數周流。自知津處。問於桀溺。桀

溺曰。子爲誰。曰。爲仲由。曰。是魯孔丘之徒與。對曰。然。曰。

滔滔者。天下皆是也。而誰以易之。**注**孔曰。滔滔。周流之

貌。言當今天下治亂同。空舍此適彼。故曰誰以易之。且

而與其從辟人之士也。豈若從辟世之士哉。**注**士有辟

人之法。有辟世之法。長沮桀溺。謂孔子爲士。從辟人之法。己之爲士。則從辟世之法。耨而不輟。注鄭曰。耨。覆種也。輟。止也。覆種不止。不以津告。子路行以告。夫子憮然。

注爲其不達己意。而便非己也。曰。鳥獸不可與同羣。注

孔曰。隱於山林是同羣。吾非斯人之徒與。而誰與。注孔

曰。吾自當與此天下人同羣。安能去人從鳥獸居乎。天

下有道。丘不與易也。注言凡天下有道者。丘皆不與易

也。己大而人小故也。注沮。七餘反。溺。乃歷反。耦。吾口反。廣。古曠反。處。昌慮反。下同。

夫。音符。與。音餘。下徒與同。數。所角反。滔。滔吐。刀反。鄭本作悠悠。治。直吏反。舍。音捨。辟。音避。耨。音憂。輟。張劣反。種

章勇反。下同。憮。音呼。又音武。注正義曰。此章記孔子周徒與誰與。並如字。又並音餘。注流。爲隱者所譏也。長沮

築溺耦而耕孔子過之使子路問津焉者長沮桀溺隱  
者也耦耕器也二耜爲耦津濟渡之處也長沮桀溺並  
二耜而耕孔子道行於旁過之使子路往問濟渡之處  
也長沮曰夫執輿者爲誰者執輿謂執轡在車也時子  
路爲御既使問津孔子代之而執轡故長沮見而問子  
路曰夫執轡者爲誰人子路曰爲孔丘者子路以其師  
名聞於天下故舉師之姓名以答長沮也曰是魯孔丘  
與者長沮舊聞夫子之名見子路之答又恐非是故復  
問之曰是魯國之孔丘與與是疑而未定之辭曰是也  
者子路言是魯孔丘也曰是知津矣者長沮言既是魯  
孔丘是人數周流天下自知津處故乃不告問於桀溺  
者長沮不告津處故子路復問桀溺桀溺曰子爲誰者  
不識子路故問之曰爲仲由者子路稱姓名以答也曰  
是魯孔丘之徒與者桀溺舊聞魯孔丘之門徒有仲由  
又恐非是故復問之曰是與曰然者然猶是也子路言  
己是魯孔丘之徒也曰滔滔者天下皆是也而誰以易  
之者此譏孔子周流天下也滔滔周流之貌言孔子何  
事滔滔然周流者乎當今天下治亂同皆是無道也空  
舍此適彼誰以易之爲有道者也且而與其從辟人之  
士也豈若從辟世之士哉者士有辟人辟世之法謂孔

子從辟人之法。長沮桀溺自謂從辟世之法。且而皆語辭。與猶等也。既言天下皆亂。無以易之。則賢者皆合隱辟。且等其隱辟。從辟人之法。則有周流之勞。從辟世之法。則有安逸之樂。意令孔子如己也。覆而不輟者。稷覆種也。輟。止也。覆。種不止。不以津告。子路行以告者。子路以長沮桀溺之言告夫子。夫子無然者。無失意貌。謂不達己意。而便非己也。曰鳥獸不可與同羣者。孔子言其不可隱居。辟世之意也。山林多鳥獸。不可與同羣。若隱於山林。是同羣也。吾非斯人之徒。與而誰與者。與。謂相親與。我非天下人之徒。衆相親與。而更誰親與。言吾自當與此天下人同羣。安能去人從鳥獸居乎。天下有道。丘不與易也者。言凡天下有道者。我皆不與易也。爲其已大而人小故也。鄭注云。古者耜一。兩金。兩人並發之。今周禮考工記文也。鄭注云。古者耜一。兩金。兩人並發之。今之耜。岐頭兩金。象古之耦也。月令云。脩耒耜。鄭注云。耜者。耒之金。

子路從而後。遇丈人以杖荷蓀。**注**包曰。丈人。老人也。蓀。

竹器。子路問曰。子見夫子乎。丈人曰。四體不勤。五穀不

分孰爲夫子。

**注**

包曰。丈人云。不勤勞四體。不分植五穀。

誰爲夫子而索之邪。植其杖而芸。

**注**

孔曰。植。倚也。除草。

曰芸。子路拱而立。

**注**

未知所以答。止子路宿。殺雞爲黍。

而食之。見其二子焉。明日子路行以告。子曰。隱者也。使

子路反見之。至則行矣。

**注**

孔曰。子路反至其家。丈人出

行不在。子路曰。不仕無義。

**注**

鄭曰。留言以語丈人之二

子。長幼之節。不可廢也。君臣之義。如之何其廢之。

**注**

孔

曰。言女知父子相養不可廢。反可廢君臣之義邪。欲潔

其身而亂大倫。

**注**

包曰。倫。道理也。君子之仕也。行其義

也。道之不行。已知之矣。

**注**

包曰。言君子之仕。所以行君

匿之義。不必自己道得行。孔子道不見用。自己知之。

**音**

**義**

從才。用反。荷何可反。又音何。蓀徒弔反。本又作條。又作菝。分。包云。如字。鄭扶問反。云猶理。索所白反。植音

植。又市力反。芸音云。多作耘字。芸香草也。倚其綺反。拱居勇反。食音嗣。見賢遍反。語魚據反。長丁丈反。己音紀。

一音

**疏**

正義曰。此章記隱者與子路相譏之語也。子路

不相及而獨在後。逢老人以杖擔荷竹器。子路問曰。子

見夫子乎者。夫子孔子也。丈人曰。四體不勤。五穀不分。孰爲夫子者。丈人責子路云。不勤勞。四體不勤。五穀不分。

誰爲夫子。而來問我求索之邪。植其杖而芸者。植倚立也。芸除草也。丈人既責子路。至於田中。倚其荷蓀之杖。

而芸其苗。子路拱而立者。子路未知所以答。故隨至田中。拱手而立也。止子路宿殺雞爲黍而食之。見其二子。

焉者。丈人留子路宿。殺雞爲黍而食之。丈人知子路賢。故又以二子見於子路也。明日子路行以告者。既宿之。

明日。子路行去。遂及夫子。以丈人所言。及雞黍見子之

事告之也。子曰。隱者也。使子路反見之。至則行矣者。夫

子言此。丈人必賢人之隱者也。使子路以求見之。欲語

乾隆四年校刊

以己道。子路反而至其家。則丈人出行不在也。子路曰：不仕無義者。丈人既不在。留言以語丈人之二子。令其父還則述之。此下之言。皆孔子之意。言父子之道。天性也。君臣之義也。人生則皆當有之。若其不仕。是無君臣之義也。長幼之節不可廢也。君臣之義如之。何其廢之者。言女知父子相養。是知長幼之節不可廢也。反可廢君臣之義而不仕乎。欲潔其身而亂大倫者。倫。道理也。言女不仕濁世。欲清潔其身。則亂於君臣之義。大道理也。君子之仕也。行其義也。道之不行。己知之矣。者。言君子之仕。非苟利祿而已。所以行君臣之義。亦不必自己道得行。孔子道不見用。自己知之也。注

逸民。伯夷、叔齊、虞仲、夷逸、朱張、柳下惠、少連。注逸民者。

節行超逸也。包曰：此七人皆逸民之賢者。子曰：不降其

志。不辱其身。伯夷、叔齊與。注鄭曰：言其直己之心。不入

庸君之朝。謂柳下惠、少連降志辱身矣。言中倫。行中慮。

其斯而已矣。**注**孔曰。但能言應倫理。行應思慮。如此而

已。謂虞仲夷逸。隱居放言。**注**包曰。放置也不復言世務

身中清。廢中權。**注**馬曰。清純潔也。遭世亂。自廢棄。以免

患。合於權也。我則異於是。無可無不可。**注**馬曰。亦不必

進。亦不必退。唯義所在。**音義**朱張並如字。衆家亦爲人

苟卿。以比孔子。鄭作侏張。云音陟留反。少。詩照反。下同。

與音餘。朝直遙反。中丁仲反。下同。應應對之應。下同。思

息嗣反。又如字。復扶又反。廢方**疏**正義曰。此章論逸民。伯

夷叔齊。虞仲。夷逸。朱張。柳下惠。少連者。逸民。謂民之節

行超逸者也。此七人皆逸民之賢者也。子曰。不降其志

不辱其身。伯夷叔齊與者。此下孔子論其逸民之行也。惟

言其直己之心。不降志也。不入庸君之朝。不辱身也。惟

伯夷叔齊有此行也。謂柳下惠少連降志辱身矣。言中

倫行中慮其斯而已矣者。又論此二人食祿亂朝。是降

乾隆四年校刊



志辱身也。倫理也。中應也。但能言應倫理。行應思慮。如此而已。不以世務嬰心。故亦謂之逸民。謂虞仲夷逸。隱居放言。身中清。廢中權者。放置也。清純潔也。權。反常合道也。孔子又論此二人。隱遯退居。放置言語。不復言其世務。其身不仕濁世。應於純潔。遭世亂。自廢棄以免患。應於權也。我則異於是。無可無不可者。孔子言我之所行。則與此逸民異。亦不必進。亦不必退。唯義所在。故曰無可無不可也。不論朱張之行者。王弼云。朱張字子弓。荀卿以此孔子言其行。與孔子同。故不論也。

太師摯適齊。亞飯干適楚。

注

孔曰。亞。次也。次飯樂師也。

摯干皆名。三飯繚適蔡。四飯缺適秦。

注

包曰。三飯四飯。

樂章名。各異師。繚缺皆名也。鼓方叔。入於河。

注

包曰。鼓。

擊鼓者。方叔名。入。謂居其河內。播鼗武。入於漢。

注

孔曰。

播。播也。武名也。少師陽。擊磬襄。入於海。

注

孔曰。魯哀公。

時禮壞樂崩樂人皆去陽襄皆名

**音義**

大音泰擊音至亞於嫁反飯扶

晚反下同繚音了缺窺悅反播彼佐

**疏**

正義曰此章記魯哀公時禮壞

反搖也鼓徒刀反亦作鞞少詩照反

樂崩樂人皆去也大師擊適齊者大師樂官之長名擊

去魯而適齊也亞飯干適楚者亞次也天子諸侯每食

奏樂樂章各異各有樂師次飯樂師名丁往楚三飯樂

師名繚往蔡四飯樂師名缺往秦鼓方叔入於河者擊

鼓者名方叔入於河內也播鼗武入於漢者播搖也鼗

如鼓而小有兩耳持其柄搖之旁耳還自擊搖鼗鼓者

名武入居於漢中也少師陽擊磬襄入

於海者陽襄皆名二人入居於海內也

周公謂魯公

**注**

孔曰魯公周公之子伯禽封於魯曰君

子不施其親

**注**

孔曰施易也不以他人之親易己之親

不使大臣怨乎不以

**注**

孔曰以用也怨不見聽用故舊

無大故則不棄也無求備於一人

**注**

孔曰大故謂惡逆

之事

**音義**

易音亦下同

**疏**

正義曰。此章記周公戒魯公之語也。周公謂魯公者。魯公。周公之子。

伯禽封於魯。將之國。周公戒之也。曰。君子不施其親者。施。易也。言君子為國。不以他人之親。易己之親。當行博愛。廣敬也。不使大臣怨乎不以者。以。用也。既仕為大臣。則當聽用之。不得令大臣怨。不見聽用。故舊無大故。則不棄也者。大故。謂惡逆之事也。故舊朋友。無此惡逆之事。則不有遺棄也。無求備於一人者。求。責也。任人當隨其才。無得責備於一人也。

周有八士。伯達。伯适。仲突。仲忽。叔夜。叔夏季。隨。季騶。

包曰。周時四乳生八子。皆為顯士。故記之。爾

**音義**

周有八士

鄭云。成王時。劉向。馬融。皆以為宣王時。适。古活反。

**疏**

騶。古花反。乳。如注反。又如主反。生。所幸反。又如字。此章記異也。周時有人。四徧生子。而乳之。每乳皆二

子。凡八子。皆為顯士。故記之耳。鄭玄以為成王時。劉向。馬融。皆以為宣王時。

御書藏卷十八

乾隆四年校刊

命官生流卷十八

論語注疏卷十八

論語注疏卷十八考證

子路從而後章五穀不分

臣宗楷

按五穀之名周禮

職方氏云黍稷菽麥稻周書云麥黍稻粟菽鄭元則以爲麻黍稷麥豆諸說不一纂箋王氏曰九穀者以三農所生而言百穀者號其多而言五穀者則以五行所屬而言皆不寔指其名此說近之

逸民章虞仲

○臣齊憲

按日知錄云史記太伯之奔荆

蠻自號句吳荆蠻義之從而歸之千餘家立爲吳太伯太伯卒弟仲雍立仲雍卒子季簡立季簡卒子叔達立叔達卒子周章立是時武王克殷求太伯仲雍

之後得周章周章已君矣因而封之乃封周章弟虞仲於周之北故夏墟是爲虞列爲諸侯據此則仲雍爲吳仲雍而虞仲者乃仲雍之曾孫也論語虞仲夷逸左傳太伯虞仲太王之昭也卽謂仲雍爲虞仲是祖孫同名且仲雍君吳不當言虞古吳虞二字多通用竊疑二書所稱虞仲並是吳仲之誤又考吳越春秋太伯曰其當有封者吳仲也則仲雍之稱吳仲固有徵矣

太師摯適齊章亞飯三飯四飯○  
臣宗楷  
按周禮春官

大司樂云王大食三伯皆令奏鐘鼓白虎通云王者

四飯諸侯三飯大夫再飯語錄云魯諸侯耳樂官自  
亞飯以下蓋三飯尊卑之差也又齊氏曰魯諸侯故  
止言三飯然不言一飯豈周公賜天子禮樂而魯僭  
之孔子正樂而去其一耶記者起數以亞其仍魯之  
舊以見昔之僭耳

周有八士章疏鄭元以爲成王時劉向馬融皆以爲宣  
王時○陸埜經世驪珠曰左傳晉胥臣曰文王之卽  
位也詢于八虞及武王伐商命南宮伯達遷九鼎于  
洛邑命南宮适散鹿臺之財宣和博古圖云武王時  
有南宮仲周書解云王乃厲翼於尹氏八士注云八



士武王賢臣也則斷為武王時人正非無據

詩曰仲甫宮政維嶽嶽之博望也

公出師于大風又知王武王時人

王報○劉整孫世觀曰武王時人

風詩人士尊疏疏云以為武王時人

者以其昔之詩耳

之序于五樂而去其一抑也

也言三禮然不言一禮豈非

也抑以平益三禮專舉三禮

論語注疏卷十八考證

夫再遊

論語注疏卷十九

魏何晏集解

唐陸德明音義

宋邢昺疏

子張第十九

**首義**

凡二十

**疏**

正義曰此篇記士行交情。仁人勉學。或接聞夫

子之語。或辯揚聖師之德。以其皆弟子所言。故差次諸篇之後。

子張曰。士見危致命。

**注**

孔曰。致命。不愛其身。見得思義

祭思敬。喪思哀。其可已矣。

**疏**

正義曰。此章言士行也。士

下皆是致命。謂不愛其身。子張言為士者。見君有危難。不愛其身。致命以救之。見得利祿。思義然後取。有祭事

思盡其敬。有喪事當盡其哀。有此行者。其可以為士已矣。

子張曰。執德不弘。信道不篤。焉能為有。焉能為亡。

**注**

孔

曰。言無所輕重。

**首義**

焉。於虔反。下同。如字。無也。

**疏**

正義曰。此章言人行之不備者。

弘大也。篤厚也。亡無也。言人執守其德不能弘大。雖信善道不能篤厚。人之若此。雖存於世。何能為有而重。雖沒於世。何能為無而輕。言於世無所輕重也。

子夏之門人問交於子張。包曰。友交當如子夏。汎交當如子張。

張曰。子夏云何。對曰。子夏曰。可者與之。其不可者拒之。

子張曰。異乎。吾所聞。君子尊賢而容衆。嘉善而矜不能。

我之大賢與。於人何所不容。我之不賢與。人將拒我。如

之何其拒人也。包曰。友交當如子夏。汎交當如子張。

**音義** 矜居陵反。賢與之與。正義曰。此章論與人結交之道。子夏之門人問交於

子張者。門人謂弟子問交。問與人交接之道。子張曰。子夏云何者。子張反問子夏之門人。女師嘗說結交之道。

云何乎。對曰。子夏曰。可者與之。其不可者拒之者。子夏弟子對子張述子夏之言也。子夏言結交之道。若彼人

賢可與交者。卽與之交。若彼人不賢。不可與之交者。則拒之而不交。子張曰。異乎。吾所聞者。言己之所聞。結交之道。與子夏所說異也。君子尊賢而容衆。嘉善而矜不能者。此所聞之異者也。言君子之人。見彼賢則尊重之。雖衆多亦容納之。人有善行者。則嘉美之。不能者則哀矜之。我之大賢與於人。何所不容。我之不賢與人。將拒我如之。何其拒人也者。旣陳其所聞。又論其不可拒人之事。誠如子夏所說。可者與之。不可者拒之。設若我之大賢。則所在見容也。我若不賢。則人將拒我。不與己交。又何暇拒他人乎。然二子所言。各是其見。論交之道。不可相非。友交當如子夏。汎交當如子張。

子夏曰。雖小道。必有可觀者焉。**注**小道謂異端。致遠恐

泥。**注**包曰。泥難不通。是以君子不爲也。**晉義**泥乃細反。

且**疏**正義曰。此章勉人學爲大道正典也。小道謂異端。反**疏**之說。百家語也。雖曰小道。亦必有少理可觀覽者。

焉。然致遠經久。則恐泥難不通。是以君子不學也。

子夏曰。日知其所亡。**注**孔曰。日知其所未聞。月無忘其

所能。可謂好學也已矣。

**音義**

好。呼報反。

**疏**

正義曰。此章勸學也。亡。無也。舊無聞

者。當學之。使日知其所未聞。舊已能者。當溫尋之。使月無忘也。能如此者。可以謂之好學。

子夏曰。博學而篤志。

**注**

孔曰。廣學而厚識之。切問而近

思。**注**切問者。切問於己所學未悟之事。近思者。思己所

未能及之事。汎問所未學。遠思所未達。則於所習者不

精。所思者不解。仁在其中矣。

**音義**

解。音

**疏**

正義曰。此章論好學。近於

仁也。博。廣也。篤。厚也。志。識也。言廣學而厚識之。使不忘

切問者。親切問於己所學未悟之事。不汎濫問之也。近

思者。思己所未能及之事。不遠思也。若汎問所未學。遠

思所未達。則於所習者不精。所思者不解。仁者之性純

篤。今學者既能篤志。近

思。故曰仁在其中矣。

子夏曰。百工居肆以成其事。君子學以致其道。**注**包曰。

言百工處其肆。則事成。猶君子學以致其道。**疏**正義曰。此章亦

勉人學。舉百工以為喻也。審曲面勢以飭五材。以辨民

器。謂之百工。五材各有工。言百眾言之也。肆。謂官府造

作之處也。致。至也。言百工處其肆。則能成其事。猶君子勤於學。則能至於道也。

子夏曰。小人之過也必文。**注**孔曰。文飾其過。不言情實。

**疏**正義曰。此章言小人之過。不能改過也。言小人之有過也。必文飾其過。彊為辭理。不言情實也。

子夏曰。君子有三變。望之儼然。即之也溫。聽其言也厲。

**注**鄭曰。厲。嚴正。**音義**儼。魚檢反。本或作嚴。音同。厲。如字。**疏**正義曰。此章

也。望之。即之。及聽其言也。有此三者。變易常人之事也。厲。嚴正也。常人遠望之。則多懈惰。即近之。則顏色猛厲。

聽其言。則多佞邪。唯君子。則不然。人遠望之。則正其衣冠。尊其瞻視。常儼然也。就近之。則顏色溫和。及聽其言。

乾隆四年校刊  
論語注疏卷十九

辭則嚴正而無佞邪也。

子夏曰。君子信而後勞其民。未信則以為厲己也。**注**王

曰。厲猶病也。信而後諫。未信則以為謗己也。**首義**厲如

云病也。鄭讀為賴。恃賴也。**疏**正義曰。此章論君子使下

己居止反。下同。謗布浪反。**疏**事上之法也。厲猶病也。言

君子若在上位。當先示信於民。然後勞役其民。則民忘

其苦也。若未嘗施信而便勞役之。則民以為從欲崇侈

妄加困病於己也。若為人臣。當先盡忠於君。待君信己

而後可諫。君之失。若君未信己。而便稱君過失以諫。諍

之。則君以為為。誘讎於己也。

子夏曰。大德不踰閑。**注**孔曰。閑猶法也。小德出入可也。

**注**孔曰。小德則不能不踰法。故曰出入可。**疏**正義曰。此

章論人之

德。有小大而行亦不同也。閑猶法也。大德之人。謂上賢

也。所行皆不越法則也。小有德者。謂次賢之人。不能不

踰法。有時踰法而出。旋能入。守其法。不責其備。故曰可也。

子游曰。子夏之門人。小子當洒掃應對進退。則可矣。抑

末也。本之則無。如之何。**注**包曰。言子夏弟子。但當對賓

客。脩威儀禮節之事。則可。然此但是人之末事耳。不可

無其本。故云本之則無。如之何。子夏聞之曰。噫。**注**孔曰。

意。心不平之聲。言游過矣。君子之道。孰先傳焉。孰後倦

焉。**注**包曰。言先傳業者。必先厭倦。故我門人先教以小

事。後將教以大道。譬諸草木。區以別矣。**注**馬曰。言大道

與小道殊異。譬如草木。異類區別。言學當以次。君子之

道焉。可誣也。**注**馬曰。君子之道。焉可使誣。言我門人但



能洒掃而已。有始有卒者。其惟聖人乎。**注**孔曰終始如

一。惟聖人耳。

**首義**

洒。色買反。又所綺反。正作灑。經典掃。素報反。本今作掃。對抑證反。末。本末

之末字。或作未。非也。噫。於其反。傳直專反。注同。倦。其眷

反。厭。於豔反。區。羌于反。別。彼列反。注同。焉。可之焉。於虔

反。誣。音無。**疏**正義曰。此章論人學業有先後之法也。子

卒。子恤反。**疏**游曰。子夏之門人。小子當洒掃應對進退

則可矣。抑末也。本之則無如之何者。子游言偃也。門人

小子。謂弟子也。應當也。抑。語辭也。本。謂先王之道。言偃

有時評論子夏之弟子。但當對賓客脩威儀禮節之事。

則可。然此但是人之末事耳。不可無其本。今子夏弟子

於其本。先王之道。則無有。不可奈何。故云如之何也。子

夏。謂之曰噫者。噫。心不平之聲。子夏既聞子游之言。中

心不平之故。曰噫。言游過矣者。謂言偃所說為過失也。

君子之道。孰先傳焉。孰後倦焉者。言君子教人之道。先

傳業者。必先厭倦。誰有先傳而後倦者乎。子夏言我之

意。恐門人聞大道而厭倦。故先教以小事。後將教以大

道也。譬諸草木。區以別矣者。諸之也。言大道與小道殊

異。譬之草木。異類區別。言學當以次也。君子之道焉。可

誣也者。言君子之道。當知學業以次。安可便誣罔。言我門人但能洒掃而已。有始有卒者。其惟聖人乎者。卒猶終也。言人之學道。靡不有初。鮮克有終。能終始如一。不厭倦者。其惟聖人耳。

子夏曰。仕而優則學。

**注**馬曰。行有餘力。則以學文。學而

優則仕。

**音義**

優音憂。行下孟反。

**疏**

正義曰。此章勸學也。言人之仕官。行己職而優閒有餘力。

則以學先王之遺文也。若學而德業優長者。則當仕進以行君臣之義也。

子游曰。喪致乎哀而止。

**注**孔曰。毀不滅性。

**疏**

正義曰。此章言居喪

之禮也。言人有父母之喪。當致極哀感。不得過毀。以至滅性。滅性則非孝。**注**毀不滅性。正義曰。此孝經文也。注云。不食三日。哀毀過情。滅性而死。皆虧孝道。故聖人制禮施教。不令至於隕滅。

子游曰。吾友張也。為難能也。

**注**

包曰。言子張容儀之難

及。然而未仁。

**疏**

正義曰。此章論子張材德也。子游言吾同志之友子張。其容儀為難能及也。然

而其德未仁。

曾子曰。堂堂乎張也。難與並爲仁矣。**注**鄭曰。言子張容

儀盛而於仁道薄也。**疏**正義曰。此章亦論子張材德也。堂堂。容儀盛貌。曾子言子張容

儀堂堂然盛於仁道則薄。故難與並爲仁矣。

曾子曰。吾聞諸夫子。人未有自致者也。必也親喪乎。**注**

馬曰。言人雖未能自致盡於他事。至於親喪。必自致盡。

**疏**正義曰。此章論人致誠之事也。諸之也。曾子言我聞之。夫子言人雖未能自致盡其誠於他事。至於親喪

必自致盡也。

曾子曰。吾聞諸夫子。孟莊子之孝也。其他可能也。其不

改父之臣。與父之政。是難能也。**注**馬曰。孟莊子魯大夫

仲孫速也。謂在諒陰之中。父臣及父政。雖有不善者。不

忍改也。

**疏**

正義曰。此章論魯大夫仲孫速之孝行。言

其能及之也。其在諒陰之中。父臣及父政。雖有不善者。不忍改之也。是也。人難能也。

孟氏使陽膚爲士師。

**注**

包曰。陽膚。曾子弟子。士師。典獄

之官。問於曾子。曾子曰。上失其道。民散久矣。如得其情。

則哀矜而勿喜。

**注**

馬曰。民之離散。爲輕剽犯法。乃上之

所爲。非民之過。當哀矜之。勿自喜。能得其情。

**首義**

膚。方

漂。匹

**疏**

正義曰。此章論典獄之法也。孟氏使陽膚爲士

照反。師者。陽膚。曾子弟子。士師。典獄之官。問於曾子

者。問其師求典獄之法也。曾子曰。上失其道。民散久矣。如得其情。則哀矜而勿喜者。言上失爲君之道。民人離散。爲輕易剽掠。犯於刑法。亦已久矣。乃上之失政。所爲。非民之過。女若求得其情。當哀矜之。勿自喜也。

子貢曰。紂之不善。不如是之甚也。是以君子惡居下流。

天下之惡皆歸焉。**注**孔曰。紂爲不善以喪天下。後世憎

甚之。皆以天下之惡歸之於紂。**音義**惡居之惡。鳥路反。喪息浪反。**疏**

正義曰。此章戒人爲惡也。紂名辛。字受。商末世之王也。爲惡不道。周武王所殺。諡法殘義損善曰紂。言商紂雖爲不善以喪天下。亦不如此之甚也。乃後人憎甚之耳。下流者。謂爲惡行而處人下。若地形卑下。則衆流所歸。人之爲惡處下。衆惡所歸。是以君子當爲善不爲惡。惡居下流。故也。紂爲惡行居下流。則人皆以天下之惡歸

之於紂也。

子貢曰。君子之過也。如日月之食焉。過也。人皆見之。更

也。人皆仰之。**注**孔曰。更改也。**疏**正義曰。此章論君子之過。似日月之食也。更改

也。言君子苟有過也。則爲衆所知。如日月正當食時。則萬物皆觀也。及其改過之時。則人皆復仰其德。如日月

明生之後則萬物亦皆仰其明

衛公孫朝。馬曰。公孫朝衛大夫。問於子貢曰。仲尼焉

學。子貢曰。文武之道。未墜於地。在人。賢者識其大者。不

賢者識其小者。莫不有文武之道焉。夫子焉不學。孔

曰。文武之道。未墜落於地。賢與不賢。各有所識。夫子無

所不從學。而亦何常師之有。孔曰。無所不從學。故無

常師。**音義**。朝直遙反。焉於虔反。**疏**正義曰。此章論仲尼

衛大夫也。問於子貢曰。仲尼焉學者。問子貢。仲尼何所

從學而得成此聖也。意謂孔子生知無師所從學也。子

貢曰。文武之道。未墜於地。在人。賢者識其大者。不賢者

識其小者。莫不有文武之道焉。夫子焉不學者。焉猶安也。言文武之道。未墜落於地。行之在人。賢與不賢。各有

所識。夫子皆從而學。安得不學乎。而亦何常師之有者。

乾隆四年校刊  
論語注疏卷十九

言夫子無所不從學。故無常師。

叔孫武叔語大夫於朝。

**注**

馬曰：魯大夫叔孫州仇。武，諡。

曰：子貢賢於仲尼。子服景伯以告子貢。子貢曰：譬之宮牆，賜之牆也及肩，窺見室家之好。夫子之牆數仞，不得其門而入，不見宗廟之美，百官之富，得其門者或寡矣。

**注**

包曰：七尺曰仞。夫子之云，不亦宜乎。

**注**

包曰：夫子謂

武叔。

**音義**

語，魚據反。朝，直遙反。仇，音求。好，如字。舊呼報反。數，色主反。仞，一作刃。音同。

**疏**

正義曰：此

章亦明仲尼之德也。叔孫武叔語大夫於朝曰：子貢賢於仲尼者，叔孫武叔魯大夫有時告語諸大夫於朝中。曰：子貢賢才過於仲尼。子服景伯以告子貢者，景伯亦魯大夫。子服何也？以武叔之言告之子貢也。子貢曰：譬之宮牆，賜之牆也及肩，窺見室家之好。夫子之牆數仞，不得其門而入，不見宗廟之美，百官之富者，子貢聞武

叔之言已賢於仲尼。此由君子之道不可小知。故致武  
叔有此言。乃爲之舉喻曰。譬如人居之宮。四圍各有牆。  
牆卑則可窺見其在內之美。猶小人之道。可以小知也。  
牆高則不可窺見在內之美。猶君子之道。不可小知也。  
今賜之牆也。纔及人肩。則人窺見牆內室家之美。好夫  
子之牆。高乃數仞。七尺曰仞。若人不得其門而入。則不  
見宗廟之美。備百官之富盛也。得其門者。或寡矣。言  
夫聖闕非凡可及。故得其門而少矣。夫子之云  
不亦宜乎者。夫子謂武叔以此論之。即武叔云子貢賢  
於仲尼。亦其宜也。不足怪焉。馬曰魯大夫叔孫州仇  
武諡。正義曰。案世本。州仇。公子叔牙六世孫。叔孫不  
敢子也。春秋定十年秋。叔孫州仇。仲孫何忌。帥師圍郕。  
左傳曰。武叔懿子圍郕。是知叔孫武  
叔。卽州仇也。諡法云。剛彊直理曰武。

叔孫武叔毀仲尼。子貢曰。無以爲也。仲尼不可毀也。他  
人之賢者。丘陵也。猶可踰也。仲尼日月也。無得而踰焉。  
人雖欲自絕。其何傷於日月乎。多見其不知量也。注言

乾隆四年校刊



人雖自絕棄於日月。其何能傷之乎。適足自見。其不知

量也。**首義**

量音亮。注同。

**疏**

正義曰。此章亦明仲尼也。叔孫武叔毀仲尼者。訾毀孔子之德也。子

貢曰。無以為也。仲尼不可毀也者。言無用為此毀訾。夫仲尼之德。不可毀也。他人之賢者。丘陵也。猶可踰也。仲尼日月也。無得而踰焉者。子貢又為設譬也。言他人之賢。譬如丘陵。雖曰高顯。猶可踰越。至於仲尼之賢。則如日月。貞明麗天。不可得而踰也。人雖欲自絕。其何傷於日月乎者。言人雖欲毀訾夫日月。特自絕棄於日月。其何能傷之乎。故人雖欲毀仲尼。亦不能傷仲尼也。多見其不知量也者。多猶適也。言非但不能毀仲尼。又適足自見其不知量也。**注**適足。至量也。○正義曰。云適足。自見其不知量也者。據此注意。似訓多為適。所以多得為適者。占人多祇同音。多見其不知量。猶襄二十九年左傳云。多見疏也。服虔本作祇見疏。解云。祇適也。晉宋杜本。皆作多。張衡西京賦云。炙炮夥。清酤多。皇恩溥。洪德施。施與多為韻。此類眾矣。故以多為適也。

陳子禽謂子貢曰。子為恭也。仲尼豈賢於子乎。子貢曰。

君子一言以爲知。一言以爲不知。言不可不慎也。夫子之不可及也，猶天之不可階而升也。夫子之得邦家者，

**注**

孔曰：謂爲諸侯若卿大夫，所謂立之斯立，道之斯行。

綏之斯來，動之斯和，其生也榮，其死也哀，如之何其可及也。**注**孔曰：綏，安也。言孔子爲政，其立教則無不立，道

之則莫不興行，安之則遠者來至，動之則莫不和睦，故

能生則榮顯，死則哀痛。

**音義**

知音智。下同。道音導。綏音雖。

**疏**

正義曰：此章亦

明仲尼之德也。陳子禽謂子貢曰：子爲恭也，仲尼豈賢於子乎者？此子禽不作陳亢，當是同其姓字耳。見其子貢每事稱譽其師，故謂子貢云：當是子爲恭孫故也。其實仲尼才德豈賢於子乎？子貢曰：君子一言以爲知，一言以爲不知，言不可不慎也者，子貢聞子禽之言，以此言拒而非之也。言君子出一言是，則人以爲有知，出一

言非則人以爲不知。知與不知，既由一言，則其言不可不慎也。今乃云仲尼豈賢於子乎？則是女不慎其言，是爲不知也。夫子之不可及也，猶天之不可階而升也者，又爲設譬。言夫子之德不可及也，他人之賢猶他物之高者，可設階梯而升上之。至於仲尼之德，猶天之高，不可以階梯而升上之。夫子之得邦家者，所謂立之斯立，道之斯行，綏之斯來，動之斯和，其生也榮，其死也哀，如之何其可及也者，又爲廣言仲尼爲政之德也。得邦謂爲諸侯，得家謂爲卿大夫，綏安也。言孔子爲政，其立教則無不立，道之則莫不興行，安之則遠者來，至動之則民莫不和睦，故能生則榮顯，死則哀痛，故如之何其可及也。

論語注疏卷十九

論語注疏卷二十

魏何晏集解

唐陸德明音義

宋邢昺疏

堯曰第二十

**音義**

凡三章

**疏**

正義曰。此篇記二帝三王

化之美。皆是聖人之道。可以垂訓將來。故以殿諸篇。非其次也。

堯曰。咨爾舜。天之歷數在爾躬。**注**歷數。謂列次也。允執

其中。四海困窮。天祿永終。**注**包曰。允。信也。困。極也。永。長

也。言爲政信執其中。則能窮極四海。天祿所以長終。舜

亦以命禹。**注**孔曰。舜亦以堯命己之辭。命禹曰。予小子

履。敢用玄牡。敢昭告于皇皇后帝。**注**孔曰。履。殷湯名。此

伐桀告天之文。殷家尙白。未變夏禮。故用玄牡。皇。大。后。

君也。大大君帝。謂天帝也。墨子引湯誓。其辭若此。有罪不敢赦。

**[注]**

包曰。順天奉法。有罪者不敢擅赦。帝臣不蔽。

簡在帝心。

**[注]**

言桀居帝臣之位。罪過不可隱蔽。以其簡

在天心故。朕躬有罪。無以萬方。萬方有罪。罪在朕躬。

**[注]**

孔曰。無以萬方。萬方不與也。萬方有罪。我身之過。周有

大賚。善人是富。

**[注]**

周。周家賚賜也。言周家受天大賜。富

於善人。有亂臣十人是也。雖有周親。不如仁人。

**[注]**

孔曰。

親而不賢。不忠則誅之。管蔡是也。仁人。謂箕子微子。來

則用之。百姓有過。在予一人。謹權量。審法度。修廢官。四

方之政行焉。

**[注]**

包曰。權。秤也。量。斗斛。興滅國。繼絕世。舉

逸民。天下之民歸心焉。所重民食喪祭。**注**孔曰。重民。國

之本也。重食。民之命也。重喪。所以盡哀。重祭。所以致敬。

寬則得衆。信則民任焉。敏則有功。公則說。**注**孔曰。言政

教公平。則民說矣。凡此二帝三王所以治也。故傳以示

後世。

**音義**

牡。後。后。反。擅。市。戰。反。蔽。必。袂。反。與。音。預。賚。力。代。反。賜。也。量。音。亮。注。同。秤。尺。證。反。說。音。悅。注。

同。傳。直。**疏**正義曰。此章明二帝三王之道。凡有五節。初

專反。亦以命禹一句。舜亦以堯命己之辭。命禹也。三自曰。予

小子至罪在朕躬。記湯伐桀告天之辭也。四自周有大

賚至在予一人。言周家受天命。及伐紂告天之辭也。五

自謹權量。至公則說。總明二帝三王政化之法也。堯曰。咨爾舜。天之歷數在爾躬者。此下是堯命舜以天命之辭也。咨。咨嗟也。爾。女也。歷數。謂列次也。堯。姓伊祁。名放

勛。舜。姓姚。名重華。諡法云。翼善傳聖曰堯。仁義盛明曰舜。堯子。丹朱。不肖。不堪嗣位。虞舜側微。堯聞之。聰明。將

使嗣位。故先咨嗟歎而命之。欲使重其事。言天位之列  
次。當在女身。故我今命授於女也。允執其中。四海困窮  
天祿永終者。此堯戒舜以爲君之法也。允信也。困極也。  
承長也。言爲政信執其中。則能窮極四海。天之祿籍所  
以長終女身。舜亦以命禹者。舜有子商均。亦不肖。禹有  
治水大功。故舜禪位與禹。故亦以堯命己之辭命禹也。  
曰予小子履。敢用玄牡。敢昭告于皇皇后帝者。此下湯  
伐桀告天辭也。禹受舜禪。傳位子孫。至桀無道。湯有聖  
德。應天順人。舉干戈而伐之。遂放桀於南巢。自立爲天  
子。而以此辭告天也。履。殷湯名。稱小子。謙也。玄牡。黑牲  
也。殷尚白。而用黑牲者。未變夏禮故也。昭明也。皇大也。  
后君也。大大君帝。謂天帝也。謂殺牲明告天帝。以伐桀  
之意。有罪不敢赦者。言己順天奉法。有罪者不敢擅放  
赦也。帝臣不蔽簡在帝心者。帝天也。帝臣謂桀也。桀是  
天子。天子事天。猶臣事君。故謂桀爲帝臣也。言桀居帝  
臣之位。罪過不可隱蔽。以其簡閱在天心故也。朕躬有  
罪。無以萬方。萬方有罪。罪在朕躬者。言我身有罪。無用  
汝萬方。萬方不與也。萬方有罪。過在我身。自責化不至  
也。周有大賚善人。是富者。周周家也。文王武王居岐周  
而下天下。故曰周家賚賜也。周家受天大賜。富於善人。

有亂臣十人是也。雖有周親不如仁人。百姓有過在予一人者。元武王誅紂誓衆之辭。湯亦傳位子孫。至末孫帝紂無道。周武王伐而滅之。而以此辭誓衆。言雖有周親不賢不忠則誅之。若管蔡是也。不如有仁德之人。賢而且忠。若箕子微子來則用之也。百姓謂天下衆民也。言若不教百姓。使有罪過當在我一人之化不至也。謹權量審法度脩廢官四方之政行焉者。此下總言二帝三王所行行政法也。權秤也。量斗斛也。謹飭之使均平。法度謂車服旂旄之禮儀也。審察之使貴賤有別無僭。偏也。官有廢闕復脩治之。使無曠也。如此則四方之政化興行焉。興滅國繼絕世舉逸民天下之民歸心焉者。諸侯之國爲人非理滅之者復興立之。賢者當世紀爲人非理絕之者則求其子孫使復繼之。節行超逸之民隱居未仕者則舉用之。政化若此則天下之民歸心焉而不離析也。所重民食喪祭者言帝王所重有此四事。重民國之本也。重食民之命也。重喪所以盡哀。重祭所以致敬。竟則得衆信則民任焉。敏則有功。公則說者。又言帝王之德務在寬簡示信。敏速公平也。寬則人歸附。故得衆信則民聽不惑。皆爲己任用焉。敏則事無不成。故有功。政教公平則民說。凡此土事。二帝三王所以治。



也。故傳之以示後世。此章有二帝三王之事。錄者採合以成章。險大禹謨。湯誥與泰誓。武成。則此章其文略矣。**注**歷數列次。○正義曰。孔注尚書云。歷數謂天道。謂天歷運之數。帝王易姓而興。故言歷數。謂天道。鄭玄以歷數在汝身。謂有圖錄之名。何云列次。義得兩通。**注**孔子曰。至若此。○正義曰。云履殷湯名者。案世本。湯名天乙者。安國意。蓋以湯受命之王。依殷法以乙日生。名天乙。至將為王。改名履。故二名也。亦可。安國不信世本。無天乙之名。皇甫謐。巧欲傳會。云以乙日生。故名履。字天乙。又云。祖乙。亦云乙日生。復名乙。引易緯。孔子所謂天之錫命。故可同名。既以天乙為字。何云同名乎。斯又妄矣。云墨子引湯誓。其辭若此者。以其尚書湯誓無此文。而湯誥有之。又與此小異。唯墨子引湯誓。其辭與此正同。故言之。所以證此為伐桀告天之文也。**注**以其簡在天心。故○正義曰。鄭玄云。簡閱在天心。言天簡閱其善惡也。**注**孔曰。至用之。○正義曰。云親而不賢不忠。則誅之。管蔡是也者。金縢云。武王既喪。管叔及其羣弟。乃流言於國曰。公將不利於孺子。周公乃致辟管叔于商。囚蔡叔于郭鄰。所謂殺管叔而蔡蔡叔也。云仁人謂箕子微子來則用之者。箕子紂之諸父。書洪範序云。以箕子歸作

洪範。宋世家云。微子開者。殷帝乙之首子。而帝紂之庶兄。周武王克殷。微子乃持其祭器。造於軍門。肉袒而縛。左牽羊。右把茅。膝行而前。以告。於是武王乃釋微子。復其位。成王誅武庚。乃命微子代殷之後。於宋。是言雖有管叔。蔡叔。爲周親。不如箕子。微子之仁人也。案周書泰誓云。雖有周親。不如仁人。是武王往伐紂。次于河朔。誓衆之辭也。孔傳云。周至也。言紂至親雖多。不如周家之多仁人。此文與彼正同。而孔注與此異者。蓋孔意以彼爲伐紂誓衆之辭。此汎言周家政治之法。欲兩通其義。故不同也。權秤也。量斗斛。正義曰。漢書律歷志云。權者。銖兩斤鈞石也。所以秤物平施。知輕重也。本起於黃鐘之重。一龠容千二百黍。重十二銖。兩之爲兩。二十四銖爲兩。十六兩爲斤。三十斤爲鈞。四鈞爲石。五權謹矣。量者。龠合升斗斛也。所以量多少也。本起於黃鐘之龠。用度數審其容。以子穀秬黍中者。千有二百實其龠。合龠爲合。十合爲升。十升爲斗。十斗爲斛。而五量加矣。志又云。度者分寸尺丈引也。所以度長短也。本起黃鐘之長。以子穀秬黍中者。一黍之廣爲一分。十分爲寸。十寸爲尺。十尺爲丈。十丈爲引。而五度審矣。而此不言度者。從可知也。

子張問於孔子曰。何如斯可以從政矣。子曰。尊五美。屏四惡。斯可以從政矣。注孔曰。屏。除也。子張曰。何謂五美。

子曰。君子惠而不費。勞而不怨。欲而不貪。泰而不驕。威而不猛。子張曰。何謂惠而不費。子曰。因民之所利而利之。斯不亦惠而不費乎。注王曰。利民在政。無費於財。擇

可勞而勞之。又誰怨。欲仁而得仁。又焉貪。君子無衆寡。無小大。無敢慢。注孔曰。言君子不以寡小而慢也。斯不

亦泰而不驕乎。君子正其衣冠。尊其瞻視。儼然人望而畏之。斯不亦威而不猛乎。子張曰。何謂四惡。子曰。不教而殺。謂之虐。不戒視成。謂之暴。注馬曰。不宿戒而責目

前成爲視成慢令致期謂之賊。**注**孔曰與民無信而虛

刻期猶之與人也。出納之吝謂之有司。**注**孔曰謂財物

俱當與人而吝嗇於出納惜難之。此有司之任耳。非人

君之道。**音義**遂反。又如字。注同。吝力刃反。舊力慎反。難

乃旦反。**疏**正義曰此章論爲政之理也。子張問於孔子

又如字。曰何如斯可以從政矣。子曰尊五美屏四惡

斯可以從政矣者。屏除也。子張問其政術。孔子答曰當

尊宗五種美事。屏除四種惡事。則可也。子張曰何謂五

美者。未知其目。故復問之。子曰君子惠而不費勞而不

怨欲而不貪。泰而不驕。威而不猛者。此孔子爲述五美

之目也。子張曰何謂惠而不費者。子張雖聞其目猶未

達其理。故復問之。子曰因民之所利而利之。斯不亦惠

而不費乎者。此孔子爲說其惠而不費之一美也。民居

五土。所利不同。山者利其禽獸。洚者利其魚鹽。中原利

其五穀。人君因其所利。使各居其所安。不易其利。則是

惠愛利民在政。且不費於財也。擇可勞而勞之。又誰怨

乾隆四年校刊

論語注疏卷之十一

五

者孔子知子張未能盡達故既答惠而不費不須其問  
卽爲陳其餘者此說勞而不怨者也擇可勞而勞之謂  
使民以時則又誰怨恨哉欲仁而得仁又焉貪者此說  
欲而不貪也言常人之欲失在貪財我則欲仁而仁斯  
至矣又安得爲貪乎君子無衆寡無小大無敢慢斯不  
亦泰而不驕乎者此說泰而不驕也常人之情敬衆大  
而慢寡小君子則不以寡小而慢之也此不亦是君子  
安泰而不驕慢乎君子正其衣冠尊其瞻視儼然人望  
而畏之斯不亦威而不猛乎者此說威而不猛也言君  
子常正其衣冠尊重其瞻視端居儼然人則望而畏之  
斯不亦雖有威嚴而不猛厲者乎子張曰何謂四惡者  
子張未聞四惡之義故復問之子曰不教而殺謂之虐  
者此下孔子歷答四惡也爲政之法當先施教合於民  
猶復丁寧申教之教令既至而民不從後乃誅也若未  
嘗教告而卽殺之謂之殘虐不戒視成謂之暴者謂不  
宥戒而責目前成謂之卒暴慢令致期謂之賊者謂與  
民無信而虛刻期期不至則罪罰之謂之賊害猶之與  
人也信納之吝謂之有司者謂財物俱當與人而人君  
吝嗇於出納而惜難之此  
有司之任耳非人君之道

孔子曰。不知命。無以爲君子也。**注**孔曰。命。謂窮達之分。

不知禮。無以立也。不知言。無以知人也。**注**馬曰。聽言則

別其是非也。

**音義**

魯論無此章。今從古。分扶問反。別彼列反。**疏**正義曰。此章

知人也。命。謂窮達之分。言天之賦命。窮達有時。當待時而動。若不知天命而妄動。則非君子也。禮者。恭儉莊敬。立身之本。若其不知。則無以立也。聽人之言。當別其是非。若不能別其是非。則無以知人之善惡也。

論語注疏卷二十一

戶部右侍郎

臣

呂熾原任詹事

臣

陳浩編修

臣

孫

人龍

臣

邵齊壽拔貢生

臣

王濟師等奉

勅恭校刊



論語注疏考證職名

論語注疏考證職名

洗馬

臣

陸宗楷謹言自漢以後注論語者數十家

惟魏何晏之集解行于世至宋孫奭爲之義疏遂與何注並傳雖純雜相參不必盡合於聖人之旨要其蒼萃羣言創通大義已爲程朱開其先路矣

臣等奉

勅校刊往復尋繹益見朱子採擇之精確不可易而其間亦有義可兩存爲宋元諸儒所不廢者謹依次編輯錄爲考證若干條用附簡末焉

臣謹識

論語注疏考證跋語

論語注疏考證跋語

論語注疏考證跋語

論語注疏考證跋語

論語注疏考證跋語

論語注疏考證跋語

論語注疏考證跋語

論語注疏考證跋語